

5563.7
8240
1962
v.1

湖陰先生文集二

BERKELEY
LIBRARY
UNIVERSITY OF
CALIFORNIA

Carpentier

序

余早歲釋褐旋入玉堂文墨之
外志不役他而所得皆粗率不
典至於長篇散文未嘗屬意徒
事近體聲律之餘平生應接無

非出於疾書苟且之中閑適詠
詠之作百不居一故心鄙意賤
輒棄不收其僅輟集成稿者亦
且無幾間有同好之輩勸余裒
輯以爲事涉傳後益不敢當數

年以來眼昏神耗雖未忘討閱
之習時復把卷卽引忘睡而止
唯晝坐夜卧之時念誦舊作足
以排悶遣寂故檢諸箋笥之藏
又取交游之間摠若干篇釐爲

幾卷以備老年負喧之覽云歲
會辛亥暮秋下浣湖陰居士書
于退思堂

湖陰先生文集目錄

卷之一詩

玉堂錄

覲省錄

宜春日錄

北上錄

己丑雜錄

卷之二詩

洪陽錄

省墓錄

朝天錄

新安日錄

龍灣日錄

卷之三詩

宜春雜錄

賜告錄

庚子錄

關東日錄

癸卯酬唱錄

甲辰朝天錄

儋接日錄

卷之四詩

秋官錄

湖西奉使錄

樞府日錄

敦寧日錄

南宮日錄

應製錄

卷之五詩

雜稿

雜記日錄

卷之六詩

拾遺錄

皇華和稿

卷之七教狀議劄箋表書序記跋箴祭文

奉教策題

讀書堂月課策問

辭免大提學狀

請收叙任彥國傳習鍼術狀

辭免禮曹判書狀

李廣原奉祀議

茂山君奉祀議

賜暇讀書改規議

傳係白文告官議

水軍分三領議

被擒倭人奏解便否議

水軍分三領議

進慰使差遣便否議

濟州人物刷還議

留館倭人分運來朝議

黃海道館軍永定便否議

遣臺諫糾檢試蔭議

文武甲科加階議

慶尙全羅兩道監司挈眷久任二周年議

訟者始訟親着日限議

旅外破定水軍議

對馬島通使便否議

庶孽許通便否議

兵務條陳

辭免 實錄廳堂上劄

賀東宮箋

賀嘉靖表

壬寅年

答相公書

答龔雲岡

與龔吳兩

詔使

出皇華集

景福宮繕修膳錄序

經國大典註解序

延安府學舍重創記

書活人署契軸後

書禦眠栢後

硯銘

祭宋壺山文

祭叔母貞敬夫人礪山宋氏文

祭舍弟安岳雲夫文

卷之八碑碣

資憲大夫戶曹判書兼同知成均館事安公神道碑銘并序

金君墓碣銘并序

通政大夫敦寧府都正尹公墓碣銘并序

嘉義大夫禮曹參判兼五衛都摠府副摠管姜公神道碑銘并序

貞敬夫人尹氏墓誌銘并序

通訓大夫行長湍都護府使李君墓誌銘并序

貞夫人金氏墓誌銘并序

折衝將軍龍驤衛大護軍尹公墓碣銘并序

中直大夫伊川縣監李侯墓碣銘并序

贈吏曹參判沈公神道碑銘 并序

通訓大夫軍資監正趙君墓碣銘 并序

通訓大夫三和縣令金君墓碣銘 并序

禦侮將軍行訓鍊院副正尹君墓碣銘 并序

通政大夫承政院右副承旨兼 經筵參贊官春秋館修撰官金公

墓碣銘 并序

折衝將軍守慶尚右道兵馬節度使金公墓碣銘 并序

贈大匡輔國崇祿大夫議政府領議政兼領 經筵弘文館藝文

館春秋館觀象監事錦城府院君朴公神道碑銘 并序

崇政大夫議政府左贊成丁公墓誌銘 并序

折衝將軍僉知中樞府事金公墓碣銘 并序

推誠協翼定難衛社功臣大匡補國崇祿大夫議政府領議政兼領

經筵弘文館藝文館春秋館觀象監事益城府院君 贈謚

公洪公神道碑銘并序

淑容安氏墓碣銘并序

據知樞鄭公子仁
所著行狀敘述

贈嘉善大夫禮曹叅判兼同知春秋館成均館事行通訓大夫訓

鍊院副正任公墓碑銘并序

宗室利城君墓碑銘并序

靜慎翁主墓碑銘并序

朝散大夫守司憲府掌令兼春秋館編修官校書館校理李君墓誌

銘并序

推誠定難衛社功臣大匡輔國崇祿大夫議政府領議政兼領經

筵弘文館藝文館春秋館觀象監事世子師青川府院君 贈謚

忠惠沈公神道碑銘并序

密城君墓碣文

崇政大夫議政府左贊成兼知經筵春秋館成均館事弘文館大提學藝文館大提學五衛都摠府都摠管世子貳師贈謚文敬金公神道碑銘并序

贈嘉善大夫兵曹參判兼同知義禁府事行通訓大夫定州牧使宋公墓碣銘并序

通訓大夫內膳寺正慎公墓碣銘并序

秉忠奮義靖國功臣嘉義大夫同知中樞府事兼五衛都摠府副摠管訓鍊院都正清溪君鄭公神道碑銘并序

通訓大夫楊根郡守慎君墓碣銘并序

崇政大夫議政府左贊成兼知經筵事五衛都摠府都摠管世子貳師

贈謚平靖金公神道碑銘并序

李龍岡墓碣銘并序

推誠協翼定難衛社功臣大匡輔國崇祿大夫議政府領議政兼領經筵弘文館藝文館春秋館觀象監事坡城府院君尹公墓誌銘并序

從弟奉訓郎行南部主簿公墓碣銘並序

伯兄通訓大夫行江西縣令公墓表陰記

仲父通訓大夫行安山郡守府君墓碣銘並序

從叔父工曹參議公墓誌銘并序

附錄

輔國崇祿大夫行議政府左贊成弘藝文大提學諱士龍墓表陰記
忍齋

十玩堂

忍齋

十玩堂

題鄭判書朝 天日錄

朝 天日錄序

湖陰草堂序

書雲卿金剛錄後

蒙示關東日錄後

仰和左相韻

湖陰先生文集卷之一

玉堂錄

直玉堂紀懷錄奉孝仲元友兩內相

玉署鄰鸞掖清班愧並升草綸燃 賜燭裁枝疊宮綾共三千牘相期
九萬鵬只應樗散質江海戀漁罾

莫道厭厭飲更撻聽更惺深盃懷 蒼蠶雨葉俱零問舊鴻遺跡驚心歲換
星他時開小釀清月照寒廳

邇來觸興有作輒棄不收輒得五首錄奉孝仲元和

凍雨淒風感歲闌憶歸何異戴南冠袖中懷刺千人懶禁裏通班伴食難
詩爲偶題聊遣興酒仍孤酌不成歡滄洲舊侶頻相問來歲鷗盟及未寒
無田欲去太慙生從古詩人似不情拂帽黃塵入僕速滿簪華髮歲崢嶸
幾多門館施行馬太半交游事請纓宿業只饒文字債十年供奉竟何成

窮陰無奈似春陰滑滑街泥雨作淫苦道關河魚化鐵愁聞坊郭米如金
依違寸廩年空邁閣東羸軀夜幾深病負授衣寒至骨楚鄉虛搗文須砧
五更微霰尾溝鳴晨起瓊花忽滿城亂綴樹林看是幼稍鋪丘壠望難平
雀羅里巷門長掩鳳沼才情句倍清堪笑病翁真強項筆尖愁退凍毫聲
龍鍾強綴侍臣班忙裏何曾不憶山飲啄肯饒焚雉適飛栖那任海鷗閑
荆江椰魚書斷庾嶺迢迢驛使還珍重故園諸社友竹林高會許重攀
送李子賀赴西寒

中歲何論坐數奇如今起廢委機宜溫綸鄭重應鑄肺腑難縱橫可解顧
要使撫循先卒伍定知籌略折羗兒平生許國今思效不向邊頭嘆費絲
落托南鄉一紀強忘機魚鳥伴昂藏高才可使終淪棄曠度何妨有謗傷
丘壑會心堪嘯傲江湖滿地即蒼浪懷堂許我年上到元武水心休忘
論文仍世至前代近從兩見真亦下詩題處公嵩山西風韻覺無人

却拋坐石持竿手試作臨邊報國身珍重茲行強物意河橋寧復在傷人
謝開城閔經歷耆伯寄氊帽

三竿晴旭照東隅剝啄聲來夢有無尺素分司煩問訊一緘氊帽重襟輸
嚴風倒射春浮頰暖日勾添凍退鬚笑殺陶家頭上葛只消醞酒伴孤斟
和蘓元友內相見寄韻

領原接武動星躔道是茅家大小仙學備三長成國器名高一鶚上秋天
百函應制無停翰八斗論才不數篇老退何由賡絕唱空吟倚馬憶青蓮
餘力猶堪僕命騷袖中霜鏑可吹毛幾年芍藥吟青瑣此日綵綸連紫毫
才奪錦袍名更重紙供春興價應高莫言摧塌還思奮提拂多承一字褒
送潘節使公父赴咸鏡南道

朔北胡關遠政西漢郎歸朝家優闥寄蕃落看戎衣正抱風雪路仍宣瀚
勃威多慚書蠹習舐筆侍彤闈

幕府曾輸畫轅門復總戎邊人諳白面羌種識青聰
祭戰場軍氣歌壺有古風輕裘能制勝何況萬夫雄

唐宋調元相多由閫鉞升廟謀資老練邊略伏威稜
共道西川帥終需北省徵莫教青史上勲業數前補

中歲傷憂患驚心聽渭城暮途偏惹恨春草易闌情
豈鴈愁邊字悲歌塞外聲馮君他夜夢時到伏波營

答元友內相

聽了飛蟲炷鴨香五更寒被沒頭藏料應鳳沼添才思
積玉堆階炫燭光宿昔詩筒繼墨香通來鋒銳愛韶歲
病夫枉和梅谿句從此摘詞倍有光胸中書傳定生香
俯視何堪無寸歲莫恠屏巖難看語正緣牛喘駭蟾光

酬元友內相韻

蹇淺平生守甕天豈將聲價敵梅仙慙君勉進多虛美
不敢逢人誦惠篇

金鑾千載名流騎省霜毛忽滿頭老着書淫還自笑從今投筆事封侯
玉曆明朝下九天賀班環佩集群仙宮暉隱約添微線書閣宣催進數

篇

明曰長至故云

已覺陽和地際流非烟先傍殿西頭官曹清坐但吟嘯得句知君當得侯
忽憶江南小雪天吟謁翰墨老神仙向來聖臆揮斤手驢背新詩幾幾篇

自懷彥謙故云

天教吟癖緒吾流聲作飢飆不累頭從此厭為窮事業策勲歸去醉鄉侯

送孝仲內相寧觀嶺南

貂裘不怕折綿寒酒力堪騎破卯鞍螭陛回瞻天九級羊腸行過路千盤
鄉山入眼應無恙宮錦渾身競改觀珍重登高能賦手歸來珠玉篋中看
壽筵賓從列簪裾春滿萱闈日轉舒洗厠寧教煩子姪擊鮮非復瀾鄉閭
六么舞罷宮娥隊一棹航空臘獲蛆仙果定輸難老筭賀君先遣鶴卿書

奉別成之寅長按關西

年年未暇席生溫又見衣冠出國門
纔解魚符從北上又持龍節向南轅
燕霜滿野窮華甸朔雪埋山頓塞垣
輕重繫身知自了祇教吾輩謾銷魂
銓掄妙手聞時論邊瑱雄名服衆推
風采固知傾 睿睠威聲先已振
群
高甍廬拔帳無來牧漢甲臨湟定解
纒最在政成歸報速二年原隰未應
遲

愧把蓬心接緒餘向來虛讀卅年書
墨池雪嶺神非化斥鴳雲鵬分自如
懷挹敢言三日惡交遊休問幾人踈
驕駒在昔聽多少老去驚心覺倍初

酬元友內相見寄之韻

官事塵勞一併催暮年丘壑夢中來
書帷有暇只尋睡懷抱何人遣好閑
斜月沙堤聽漏催火城珂馬相君來
低回避路街西去唱徹鷄人九閨開
屏巖見說穰侯擅不許尋常客子來
況有容齋光萬丈敢噓螢燭向陽開

陳曠烘座回春暖下盡簾鉤絕徃來筆老詩新君有助却教衰病眼頻開
偶紀懷錄奉灌圃堂文人求教

共是南鄉版籍民暮年京輦髮絲新詩書發冢元非計藜莧充腸未足貧
江月海雲吟作料藥鑪經卷病相親會須擺脫從幽討喚做宗雷社裡人
永昌亭子澗之濱六尺藤牀一幅巾蒼玉幾竿圍素壁碧羅十頃帶青蘋
向來長物唯書簾老去機心只釣緡不道小山叢桂怨曲江春水待吟身
層崖屏展樹如闔江岸寬圍十里濱依約玉簪看側布遷迤羅帶俯橫陳
晴沙喚渡僧和鶴晚渚撐橈月趁人是處猶堪謀習隱他年小等許為鄰
野性元非適俗人強縻簪組困風塵八埒自恠供衙倦五餌誰當抗疏陳
愁極望雲懷鯉對情懸捧檄阻楓宸幾時判作湖山主浩蕩溟鴻不受馴
蒼暉漆線暖回春清坐蕭然岸角巾黃卷聖賢新尚友滄洲風月久輸人
經年試拂侵書蠹隔日聊吹翳硯塵愁醉通來知有債動將歸騎犯街巡

依韻荅困菴內相

高才舊中青錢選妙手今充寶斧修餘事程書勤奏識清光日通翠雲裘
明良遭際如今少封域清寧百度修不用提兵剛出塞廟堂神算走羶裘
策世從來儒者事班班功業有前修只消詞藻窮雕篆畢竟何殊愛反裘
蠶官久竊經帷地絲髮何曾袞職修微分較宜巖壑裡歸心無夜不蒐裘

擺脫安能如措大雲山深處好藏修疎梅小雪江南路隨意尋常典契裘
疊前韻酬困庵

驚才複線條條短寒窘難堪尺牘修珍重高情枉推許只教愁汗透重裘
北陸窮陰知漸伏宮簾爰景正迎修然髭覓句無佳思巧手那能學竊裘
勝事吾鄉那忍說尊羹端不數元修祇今旅食唯鮭菜况復寒侵季子裘
往年捲牒供元夕燈市行看樂事修爭得賞心如俠少醉經壚畔鮮貂裘

秀句多多裁製富精神知自鳳樓修能將滿意機中錦衣被吾人百結
釋悶有寄

養拙從交少耽幽愛世疎暮年纏百感癡業廢三餘卧久塵浸屨童頑雪
縞廬遁來多敗意渾未閱除書

壯志爲官屈殘軀與病謀幾將千古事供作一般愁小酌無人共長謠只
自酬定知無柰歎空復入搔頭

覲省錄

中原示朴昌世使君

漱澣池光好新蟾委鏡涵倒尊逢劇飲揮麈聽霏談山氣渾乘暝樓陰半
借補客懷元自惡休唱望江南

依韻荅昌世

悵望音書幾鴈邊那知披雲覩青天鯉庭歸去六百里鈴閣留連一再筵

盡放疎狂憐故態與探風物鬪新篇明朝別酒休相惱騎馬還愁賀監船
偶記鄭司諫知常丹月驛韻輳得五絕錄似昌世博笑

銀河牢落玉繩低依約荒城報遠鷄病骨苦嫌人十八枯腸不耐酒東西
殘夜悠悠燭燼低沙堤忽憶聽朝鷄金門已闕猶催漏柳拂旌旗太液西
愛日年來覺易低昔人遺曲感唐鷄晨昏萬里頻煩驛杳杳孤雲鼎水西
少年豪氣老催低肯向城中事鬪鷄祇欲掛冠歸去早茅茨閑卜壤東西
官序終嫌百里低豈宜孤鶴在群鷄深嚴正要綵綸手不晚期君盡省西
途中疊前韻付遞送昌世

平郊稻熟沒高低陂閘蒲深哭水鷄不欲奚囊收拾盡謝公吟料在城西
秋陰蒸霧每朝低枯枿槎牙長樹鷄何許壤童來割耳隔林烟起水村西
平生名秩不關低投老生涯効祝鷄祇是君親無二致年年蓬梗任東西
洛江帆趁晚潮低卧數郵籤不用鷄回首中原文酒地南天鶻沒暮雲西

歎棟矮屋打頭低郵吏供厨費殺鷄九折危途還策馬愁看木末日輪西
時過馬嶺故云

宿聞慶與同年金鍊卿夜話書贈

谷口聞聲久幽棲離俗喧灌園堪食力隱几可忘言雲確雕胡滑風潭錦

帶翻代耕慙宦拙頭白誤君恩

金言所居之勝故云

寺是羅時舊山爲嶺外奇精靈寶公塔文字簡棲碑勝境非遐絕浮生自

馬羈何當饒半日香火果幽期

陽山寺在屬縣加恩爲嶺南巨刹

舟過無盡亭訪可而索賦醉中率然題五首

輝映止亭字清新德水詩二仙留物色茲地擅雄奇霞鷺才偏逸蜩虫韻

自悲強顏題拙句終日撚吟髭

亭景真無盡人生卽有涯閑愁怜菊葉高興戀雲霞沙靜鷗眠熟湖平棹影斜自慙懷賞久登眺髣髴萃

充充窮流峙悠悠攬古今因人爲勝地隨遇有知音榮辱呂翁桃成虧昭氏琴期君遊物表領我百年心

缸面浮盃膩槎頭幼膾纖恣餐饒腹果分減僕夫需天物雖無禁書生畏不廉與關猶殢飲休道夜厭厭

清洛兼天遠孤帆走鼎津水肥行意王魚萬客厨玆歲月饒羈宦江山許老身領要無好語佳處重逡巡

發船無盡亭下

尚州地

解纜晴沙上移船霧樹傍南人慢舟楫北客困徊徨自保乘風快誰虞下瀨妨計程遲昨日淹速信蒼蒼

鸕鷀巖

善山地

湖波深委黛奇石露槎牙兩兩鸕鷀集銜魚下淺沙

春卿才八斗南國薄遊時寄賞留詩句千秋名在茲

李相國奎報嘗述此巖有詩

舟行卽事

歸心正逐孤帆急，供帳還煩五馬迎。
江上好山青未了，盡情勾黛伴人行。

一善尹守出
迎月波亭西

下町宿寶泉灘

善山地

烟蕪平極目，拾棹寶泉灘。
幄借村廬設，床呼縣吏安。
微明雲掩月，淒緊露凝寒。
蜀魄啼何許，令人鼻自酸。

設幕灘上露宿細步
如鋪簾延寒數里

曉發寶泉灘

天星牢落未全疎，又整孤帆縱野如。
暗水濺時風作霧，曉天低處月橫梳。
平生歷險心能了，投老逢場興未除。
強酌醺然尋小睡，淺灘舟閣叫譴餘。

舟中叙悶

江氣烟非烟，冥濛迷咫尺。
秋陰喜淡漫，不放霅日白。
遠客滯歸程，悶悶驅蓬底。
窳衣褐帶濺，濕圖書侵露。
液低垂氣不蘇，無異遭拘扼。
閤山渺幾許，悵

望親闈隔如何雨作崇又爲風所厄安得借神力劃然蒙翳擘白鳥忽飛
來似尉迷塗客

泊羊腸站仁同地

千章木老渾遮日一帶江清不受塵殘吏候行齊引纜小亭迎客劣容身
充盤柿栗寧論價八饌魚蝦飲食新更喜羈懷堪暢釋沙場極目草如茵

江上晚景

桑柘深藏店柴門逐徑成晚山和霧紫秋水帶沙明隣舫初聞笛殊方又
聽鶯旅懷終易感對景獨含情

漆津仁同地

漆津聞自昔今日喜經過拖練湖光止橫壑岫色多
羈峨帆散出却略樹旁羅風物如鄉國令人憶釣蓑

有感

藥行淺深緣鳧鷖出沒輕江間隨意物默默感浮生

東原站

星州地

東原古官渡萬古流浩浩閣岸多帆櫓被渚饒荇藻秋風掃游氛烟景殊
媚好我乘洛江船茲地當走道遙聞侯吏報五馬來近早方舟結束多治
具非草草百壺列酒漿十眉羅帶縞已食過拳栗更啗如瓜棗主賓共青
眼諧謔談絕倒相將嚼尾艘晚景恣探討淺薄備禁從給驛觀吾老隨處
費館待未免清景惱領要替小詩付與奚囊橐

祖巖

星州地

綠湖斜十里遙見錦屏羅鬼斧輸功久坤靈效技多寫經堪作質飾瓊
煩磨醉墨那容洒輕橈忽漫過

石門巖

星州地

石門雙柱聳崑崙風捲濤沙幾蕩磨不擬擲根如石笋江干留與鎮風波

臺巖亭

李子賀所集

流峙爭朝拱巖居倚百層
渚無窮眺遠江練寫秋燈
俯仰知天大軒騰覺氣增
幾逢佳絕處憐我退無憑

沙幕站

草溪地

水驛臨江古槐龍蔭宇斜
疊蟻山戴屋鋪練水明沙
撒網依灘石連檣閣岸
設忽忽理歸棹自在羨
昏鴉

宿世瑤第記懷

喧然俠窟長姦私聞道
撾翁更評箕不受奮髯
朱子猛廟堂終要念風
移江館虛明面勢饒客
魂飄越正難聊誰家小
婦拜新月半夜玉笙來
沈淪後房盼盼與英英
玉軫朱絃鬪寶箏惆悵
舊聲聞法部匹如司馬
在淞城功名不換魚腴
美杖屨爭兼駟馬憂好
管江湖閑日月笑他羈
宦雪蒙頭徐卿積慶充
充符蘭夢今年得鳳雛
英物共知須早悟屏間
應已識之無

遊鼎巖逢雨徑還客館

鼎巖從昔會心地偶隨五馬去鳴珂天公不與遊人便風雨蕭然來滿簑
回頭慢具困軒簾崖低厨人空叫訶居然敗意問前館滑滑泥途愁沒靴
宜寧館紫薇花

酒闌隨意步循除老物蕭疎風雨餘唯有蒸霞紫薇樹令人却憶草綸書
野行

秋序已云暮薄寒淒中人蟲鳴岸蕪深月吐雲葉新川華忽動前鐵轡行
逡巡原陸不虞黑候火煩鄉鄰鄉隣莫驚猜我非宰官身何時桑榆杜杖
履來相親

夜坐聞虫聲有感

纖月出嶺高衆籟各收聲陰蟲強解事競號如有情淒音雅怨聲抑揚而
濁清百般聽難窮展轉懷不平惟秋在四時主聲又司兵金草乃人爲假

器聲始生蟲鳴本天機氣至知自鳴昌黎文造理以蟲配秋評士生貴立
言言乃聲之精凋啾啾等蟲鳴畢竟無留名疇能所立卓百世猶鐫轟嗟我
事聲言摘葉未含英不能効群噪安可期錚錚通來悼亡劇况乃愁病嬰
長更了如年耿耿難為明群蟲自鼓發我何獨感驚子規復三叫華髮奈
幾莖

姜節婦行

宜春之縣無等村有女姓姜稱淑美門譜雖云無外家郎罷夙世躋膺仕
田園雄據鼎水北家人千指教羅綺姜娥天賦慧蘭質絲續丹臉仍皓齒
漁娘錦字工宛轉薛濤花底富詞理阿鬟密奉阿母護閨外不曾聞繡履
媒媼浪費青鳥使幾年擇對深閨裡岳牧爭調不點頭自許竟歸河氏子
河生縱由武階進約交盡是知名士自謂高官若拾芥郡齋養客耽書史
那知竟坐主遁禍家破身戮為世界姜娥泣血誓天地有如棄志期一死

親勞夫駱安山阿子然披經無行倚慈母勸止親黨觀語不及耳輒驚起
有甲利財挾勢誘忍取銀刀落纖指羅衫殷血紛涸地承以栗尾書滿紙
陳詞墓前哭徹天聞者怖愕來雪委此庶咨嗟縣官嘉令女共姜疑可企
有姊亦寡欲再適感起不作家聲耻何知母性喜售女陰結惡少逞奇說
黃官屏息後閤子伺女就房令通通揚言老嫗事幾人乃遭汝翁來家此
紛然眼前列汝曹享有光榮莫我似人生一世塵寄草汝縱立耶誰復喜
女聞斯言心忽回昨非方知悟今是甘心似為力所扼通宵夢結鴛鴦枕
翻思舊主欲輸忱傾瓶已作難收水長遭啞笑妯娌間醜言播人爭唾鄙
新歡反供嚙臂盟一日睽異情難已節行居然變淫行河間有靈羞與擬
殘肢效死始何心片言毀節終奚以會之挺身鬪強虜辨命碎腦存趙祀
終然折趙欲歸虜若得誅心同犬豕聖人所以貴終功九仞虧簣宜審始
感嘆聊爲節婦行庶使觀者爲鑑砥

家僮劉密見報

曉曉朝猶暗園丁喚夢回翁翁蜂子散的的蜜房開營食雖充課焚巢意
餒胎田家空力作租吏已相催劉時蜂子墮人故士人來綴焚之使不敢近

得家書寫不得寐

點滴緣蒼溜淒涼逗慢風還家宵有夢破恨酒無功生理從來薄身謀此
去窮何因拋世累永伴狎鷗翁

題世珍牙湖精舍用魚子游韻

擺落誰從寂寞濱急流方始見斯人向來軒冕非良貴老覺江湖可致身
還鄉不要賀公湖試向桑田費剪蕪一舸飄然雲水裡却來風月與生俱
點芥舟航不受沉便風日夕到前林鏐銀萬頃秋天月結末何妨載綠琴
呼吸朝暉理莫端島嶼出沒似跳丸何妨跨得培風翼破却銀堆與雪山
泗川形勢似彭城合有黃樓絕絕聲早晚主人期下榻月中披覽使人驚

仙山遶斷俗氛來，亂嶂簷抽水帶回。許我収身知不晚，與君游討尚優哉。
夜懷

惻惻回腸久悠悠，夜長蛩吟綠底苦鶻哭。爲誰傷供世難，祇拙逢人却
避銕何方傾白墮。憂樂兩都忘

喜晴

昨日愁陰翳今朝，喜豁明川光連日。動風緒襲人清，釋嶠雲猶戀凌霄鶻。
獨輕詩魂增橫逸，顧眄句還成

宣寧館步月

既望愁重暄仍圓，看一輪共瞻川路曠。獨夜感傷新青嶂，深留影華顛好。
岸巾燭斜空自照，吟苦更誰親

題水晶堂用前人韻

堂在丹溪縣上
金時牧所築

舊宅休煩問手裁，客行非是爲尋梅。已遭投轄留人飲，更看催詩送兩來

堂舊有
梅今無

雨不止疊前韻

不管霜毛種種栽無端苦雨似黃梅前溪向曉聞新漲已覺平沉釣石來
亂樹屯雲未肯明曉寒虛閣不禁清孤村一夜無窮雨較得征途去住情
主人有詩索和依韻答之

試將朝市與林泉悲喜燈前各問年不管嚴程催我去一宵風雨對牀眠
宿咸陽館錄懷寄舍弟潛仲

此日如前日云胡惻惻行頓忘風色厲不覺路岐平正破遊方戒彼孤養
志情浮雲西北去回首淚沾纓

客枕眠難穩離腹酒不釀數句荆樹並千里鴈行分得句應思我看山却
憶君謾憑今夜夢相對細論文

咸陽感舊

孤雲物色幾分留千古名城據水頭無分佩魚馴宿債有情排句寫新愁
當谿亂樹號風易刺眼尖峰礙月幽珍重金侯鑄顏地祇今絃誦謫儒流

漢嘗求為此邑不得
估畢當會守此郡云

荒山戰場

即我太祖
捷後之地

昔年窮寇此殲亡鏖戰神鋒繞紫芒漢幟豎痕留石縫斑衣漬血染霞光
商聲帶殺林巒肅鬼燐憑陰塚壘荒東土免魚由禹力小臣摹日敢揄揚

萬福寺

南原地寺
今類落

歸然毀殿尚干霄福地應隨劫火燒兩甍金身渾剝落風含鐵鳳自飄搖
殘僧起廢功休問神力驅魔事已遼無數偶人當戶踣野童推踏草苔饒

完山感舊

甄王故國舊歲名俠窟輕肥幾伴行拱北亭前烟柳合曾和愁思聽沅湘

途中紀懷十絕錄寄潘公父

公父以公州牧使
南道節度使將赴

恩陰咸鏡
台

珥筆聯裾十載前君鬚我齒兩堪憐那知聚散晨星外共恠容華已颯然
許國從來一寸丹碧油談笑鄙儒冠秦城祇是天遠夜夜空憑塞月看
建節龍荒萬里行 徵書昨夜到湖城定知遺愛啼班白何限攔街截轡
情

仙舟江上故遲留解纜寧教報水郵腸斷吳姬指如荀更能刺楳助君羞
雅聞為政在人先餘事還修北海途淺量輸籌逃酒席非才授簡怯詩篇
樓臺依舊有清遊來往公山幾滯留故事欲尋無與語敗荷淺沼不勝秋
已分枯灰着坎捐豈知霜絮受風顛峽雲無賴能行兩官燭多情愛伴眠
百戰城池樹老蒼憑高幾作阮生傷強登壯士都無處片月依然過文牆
佳麗東南此地咸錦江元是近花巖芳洲拾翠舟橫渡杏塲尋常客與彭
已聞旌節度關來今夜愁腸未苦回不晚河橋重慘手惡懷臨老轉難裁

次木川樓韻

離披雲葉透殘陽醉眼憑高墮渺茫歲逼窮閭將墮戶天寒滯穗未登場
詩中苦癖誰當砭愁裡奔魔自作忙珍重使君通夕飲更憐燒蠟繼顏光
宜春日錄

阻風河濱站寄朴君澤內相

十船九閣虞灘客百病千愁去國身隱約晴巒遮遠目微茫烟水送孤臣
獐魚噴沫跳沙窟恠鳥嚎風下渚蘋少日宴安非我福老年艱險豈因人
舟次東原津鄭都事仁甫李通判夔追錢

落托南歸路淒涼北望心客間逢勝饌愁裡得長吟彫柳蕭疎葉晴灘細
碎金諸君聯五馬寵別意殊深

歸耕真苦晚濡滯待排擠魚鳥如相識江山似欲迷
甘塵嫌莫別桃李誤成蹊從此分飛恨長縣一鴈西

未尅重逢日那言再起辰論交元耐久臨老免如新滿酌寧辭醉多言亦
任真驪駒驚老大制淚已沾巾

書懷

南中寒凜古應無值我淒涼始索居凍塞長河龍勢穩雪埋平野鴈來疎
添將熾炭膚還粟擁得重裘體未舒欲伴殘燈消永夜北窓松月曉增虛
崖昏每聽鵲鵲哭野曠時聞虎兇孥垂老魂傷爲客況未歸心折餞年華
悲笳暗洩南枝信畫角高吹北斗斜幽夢不知身落托漢宮鍾鼓踏晨衙

除夕夜坐贈金直卿

夾江深越際殘蘆雉兔無人自族娛宵漢幾多矜臥甞肯教毛血洒平蕪
南來委翅困塵沙混跡漁樵醉尉多早晚漢皇思舊將壯心猶未擲蟠花
脩鱗赴壑竟誰遮殘臘無餘歲自華浪喜對春尋舊約不知漂泊在天涯
殘燈無焰夜寒生斗柄橫斜乍爲勸僕僕屏山已睡書與君堅坐到天明

答金直卿見寄韻

音書絕間濶光景忽推遷
悵別春生後相期月滿前
浮名還自誤佳句爲誰傳
不及無機鶴蹀沙羽翮鮮

已復江山麗令人坐屢遷
肩風青嶂外新漲白鷗前
薄俗真難託微言莫浪傳
預愁傷別處桃李說粧鮮

寄昌齡

浦樹如烟水似油
鉤簾高眺暮雲愁
萋萋杜若長洲晚應忍
王孫久薄遊

寄昌齡使君

懶不尋詩課經旬
但嘯歌晚山烟外媚
新張席邊多世味
真嘗夢勞生劇

算沙百年甘寂寞
心事在漁蓑

晴靄郊邊暗閑雲水上多
綠均新麥隴紅綴小桃柯
棋亭驚棹壁年光付逝波
平生丘壑志那復忍蹉跎

登前韻寄昌齡

有愧碩人軸還成勞者歌機心經事息幽興入春多帆隱知回浦鴈覺
暖沙日尋漁子報隨意理烟簑

杖屨從人懶壺觴藉草多日烘花覆塢村暗葉交柯薄酒寒欺醉平江雨
送波愁邊得佳句高詠慰蹉跎

題挹碧堂上舍李正仲所居

柳花飛盡水茫茫疊翠春山送黛光半日槐陰成野酌十年空愧舊滄浪
好竹連山正解苞玳簪無數拂烟梢不辭入饌貓頭脆可愛環牆嫩綠交
種德時蘭樹老蒼芝蘭箇箇總芬芳能兒驥子佳眉目萬里鵬圖不要忙
使君文雅軼前人柳惲才高詠白蘋取意堂顏留傑句肯教衰朽續清新
吾家亦在此江東境界雖殊趣味同一葉亦流成約在好隨瓜蔓理孤蓬

悼止亭相公

天室初聞圻上台那知竟構達官災功名獲際千年會詞翰兼跨八斗才
懷德幾沾門下泣輟卷誰助里人哀傷心假息湖陰老無路緘辭薦一杯
題李世珍快哉亭

群山繚繞似城隍共向昏花競効奇地勝因人元有待亭開臚物亦相宜
沙汀瀉鹵經潮濕海日滄涼出霧遲徙倚雕闌歸意懶老來才盡奈無詩
中秋月感懷

十二回圓此最明白頭青嶂太愁生也無奇術攀銀闕其奈微雲滓太清
天柱真游那得續湓亭旅望不勝情堪嗟川路遙難越獨夜羈臣涕自橫
前年去國思難任舟泊黃驪古寺陰萍水偶成朋舊會榮枯偏繫去留心
光通綃幕開金餅影倒浮圖臥玉簪弦矢祗今天一角回頭清境夢相尋
金國卿金敬叔水站鄭世豪地
主室震卿暨僕寺僧義天同會

題曹判書草亭

飛鳥離離望裏還幽亭高據樹林間雲收亂嶂明戈戟石激清灘響玦環
征虜投壺宜日永相如授簡奈詩慳他年塞上開戎幕應許迂儒策鈍頑
奉別曹判書億之榮覲還京之行

徹聽聲華自九臯向來從事敢言勞水曹 恩命新鄉月榆塞威名舊豹
韜塵戰陰山何足貴投壺牙帳始知高佇聞邸報扳征騎空望寒江正復
瞻

勝地從前意盡傾名園水竹擅佳聲倒屣雅辱將軍禮下榻還煩孺子迎
桐葉未飄供點筆月華初上捻吹笙只應朋好容疎放風雨來過亦不驚
一臥滄江歲再華世緣終淺野情多偶逢田叟談秋社將約鄰僧看杏花
朱阮新交無態度灤屯小築卽生涯歸朝儻問南翁耗衰白無機愛畫蛇
奉別伯氏還京用柳儀曹別舍弟宗一韻

病眸生障鬢飄然去國魂銷鼎水邊龐參來訶熱囊跡夢安相謔耐殘年

荆花並蒂尋歡緒
姜被生寒忍曉天
草草盃觴攀送罷
不堪揮淚驛亭烟
來途懷甚悄
愴口占一首

空携隻影黯然還
馬識山谿夜未艱
懔懔只教增惡抱
登臨無復解愁顏
歲功已就黃雲捲
秋律將辭錦葉斑
莫苦臨歧嗟不及
猶憑宵夢到秦關
孝仲百順見訪有詩見志步韻酬之

分作天邊吊影身
非君誰復更情親
多慙放跡垂綸手
獲對連城佩綬人
舊事堪嗟投杼走
新詩不待借籌陳
相過不惜連宵語
別後無辭鴈字頻
孝仲將行詩以識別

倒屣迎門外
呼兒拜馬前
那知小隱地
復荷故人憐
細酌頻更燭
衰顏各
問年霜天催別意
臨路獨潸然

許彥寬邀上鹽倉峯奇絕無雙自言先人欲築亭云

無限群山紫翠堆
登臨發興酒三盃
蒼江白石君家物
更請岩扉面水開

嶠南無此好山川
失路來家亦任天
會見荆榛化堂宇
與君投老酒爲年

自是朝朝暮暮仙昔年曾結夢中緣已傳暗約能完鏡復道神膠解續絃
都圓散真淪謫籍玉皇優對輟金蓮蓬萊見說今清淺爲報麻姑莫悵然
一念纔差未是仙柔情徒比女蘿緣峽雲本自能行雨已月空勞再上弦
妃子海棠醺作睡潘姬羅襪步生蓮人間離合須相倚豈待他時始惘然
大浦收魚慘示許彥寬

正坐朝廷記憶踈二年江海混漁樵觀魚大浦非生客却媿村童盡識余

舷平澤竭動盈車野老鉗髭酒滿醺一任爭隈與爭席從今消得幾觀漁
任公投箸真荒說龍伯連鰲謾寓書爭似野翁將斗石筠籬分獲遍村閭
寒郊木影晚蕭疎隔岸淒風戰雪蘆小醉不知天已暝馬穿脩竹鳥棲初

林間候火認吾廬縱寒歸來覺體舒
馬高車憂畏大不慚貧賤老爲魚
卽事

浦樹依微水自流亂鴉啼送暮天愁
輕澌滿岸無人渡橫泛前灘一葉舟
蕭瑟寒聲風振葉微茫遠色水回洲
晴沙日午烟光薄兩兩鷓鴣相睡頭
柳伯應容軒六詠

慢紫妖紅太不中金盆玉砌護玲瓏
籬邊礪曲遺香影羌笛吹殘怨歲窮
梅

諸葛十圍祠裏見萊公雙植縣中聞
先生取意充庭實嗜好如今亦不群
栢

凌波仙襪紅雲濕藜杖尋香繞曲塘
不似鑑湖金板舫採殘穠艷女郎傷
蓮

顛倒蕭蘭青女曉金錢忽破物華衰
寧同楚客空餐盡却擬充飢制景遷

菊

隨處江南破臘寒北人多事上屏看仙人染得猩頭血飛步分明下月壇

冬栢

星槎分種也堪珍馬乳龍鬚儘可人會見金盤珠萬顆肯教風日貸蕭晨

蒲萄

與昌齡會飲正仲家卽席

輝光五馬使君行勝日欣逢到野亭千里萍蓬江國夢二天歌酒故人情
相繫事往難同賦楚澤吟多任獨醒自笑畸人真棄物每令鄉里坐皆傾
十六夜夢京音除余評事傍有五六人皆稱學官余不能無憾然
占句云麓才只合參戎幕子輩猶爲學省官夢裏升沉中尚熱人間傾奪膽先寒
麓才只合參戎幕子輩猶爲學省官夢裏升沉中尚熱人間傾奪膽先寒
昭琴謾擬閑時鼓蕉鹿寧須覺後看注目寒江癡坐久冷烟疎雨過前灘

長至感懷

去年流轉今猶舊佳節還隨萬恨來
緒線才添宮裡影黃鍾已動琯中灰
天時可喜令陰伏吾道何憂著物猜
沒道南賓身最遠擬將歌詠質東裁
荆榛已道傳穰疫魏襪還聞頌履長
人事可從幾處審天機元向理中裁
雲書魯史徵前舉樂奏園丘見舊章
賴有韋編真起我閉門端坐費思量
長至朝儀亞歲元四方賸奏賀天闕
歲端寶曆新陽朕日轉仙杓瑞英翻
天仗歡聲連曉陛上尊和氣徹朝暄
承恩舊事無消息寥落江城獨掩門

依韻和昌齡使君

浮生草草任休行江海樓遲一小亭
賓送年光增老態招呼鄉社惜人情
張羅巷僻非麾客罵座狂多不要醒
每和佳篇才告退昏花剛笑字敬傾
疊前韻效香奩寄昌齡

素塞迢迢念遠行春光和恨鎖池亭浪占乾鵲終無賴空結丁香奈有情
蛛網玉笙愁不理淚凝紅枕夢偏醒良宵易度佳期誤銀漢闌干壁月傾
初度日有感

殘臘無多近歲正又逢初度歎飄零美牆轉功音容想霜露增懷怵惕情
窮骨敢期膺五福生年還語直三星夢我遺恨終天在淚盡荒江白髮生
南俗盛上塚老幼聚食祭餘醉飽而歸余居傍麓馬羣累累然孤旅
中悵憶丘壠情可勝予仍書一絕

馬隸牛醫上塚歸紙錢蕭颯亂鴉飛連村扶醉歌呼閑獨我羈離淚滿衣
臘日書懷錄奉昌齡使君

長至才迎候嘉平又屆辰客心如纛亂時序似魚鱗祀竈窮難送休農錯
可陳宮恩賜脂藥猶滯舊詞臣

仁節身為客殘年夢到廬狂思躡飛走病慣檢方書塲暖梅將動郊寒柳

未舒應同遲暮感清坐吏人踈

聞笛有感

暮律駸駸如轉轂羈心草草劇飄蓬二年行役悲零雨十載淹留愧渚鴻
沙市臘寒欺凍瀨梅梢春信漏天工孤吟屢闕無人會羌管吹殘月掛空
臘月廿一夜夢得句云紅雲尚覆文華殿清蹕初回左順門意若朝
天之作戲足成之

銅壺水咽漏籌繁闕角踈星繞紫垣八仗微風旗脚偃趨班殘月佩聲喧
紅雲尚覆文華殿清蹕初回左順門更識皇居住佳氣象萬年枝上射朝暉
依韻酬復昌齡使臣

江國風常急流澌及暖辰漲沙埋斷磧晴日縱遊鱗冠弊空吟越羹稀困
在陳定知輕過節佳旣慰孤臣

少年期學古穿榻隱匡廬犯諱輕投鼠臨危浪信書多憂憐志若無悶樂

神舒莫恠收入棄情親未肯踈

臘月廿八夜感懷錄奉客齋相公

舊歲有三日蕭然旅况清寒燈唯我共臘酒與誰傾窮苦丹心在飄零白髮生此身如白傳留滯九江城

浙瀝松聲迫闌干斗柄橫村春踈更響野火遠偏明寂寞元吾事羈離見俗情向來書萬卷消得小詩成

空闕龍佳氣乾坤饒暮年暖回鸞瓦雪春入苑梅天絳筆供宣帖仙班遺賀筵昔曾干氣象回首意茫然

少日無情思歡尋守歲家老年多感聚愁聽報更極凍癡唯嘶馬風林只散鴉旅厨刀匕清孤坐引清茶

點檢殘年事空多嶺外文飯山詩作崇漳水病無分夢斷河水吼愁深墨雁群知音如見實不愧野人斤

答適菴見寄

詩來剛及滿輪明把玩還添白髮生試問停杯看北斗何如摘筆臥西清
松苗鳬鶴寧移志廊廟江湖也繫情憂喜不隨恩怨異兔娥休笑臉波橫
孤旅雖逢分外明不堪欺絮夜寒生樹含餘照分芒白江倒斜光委鏡清
北望川塗無限思南飛鳥鵲有餘情平生習氣難消得刻燭題詩字半橫
珍重著書王仲任白頭鉛槧惜分陰眼明不復煩開膜意足何須覩捧心
大語愧君推哲匠散材忤我謝朝簪泣翁格力真型範熏沐從今爲索尋
蚊力於山豈易任却宜收跡老湖陰正尋漁子樵夫路痛洗車塵馬足心
腰脚踈頑消緩步頭顱蕭颯屏高簪豈期陳力禪絲髮擊壤他時儻採尋
每讀高詞擬穆如陸牙冰雪調吟餘丹鉛肯事虫魚註黃白非脩鍊養書
精力未衰詩更健靈椿不老日還舒豈辭重趼叅餘論却掃吾今正索居

浮名

浮名從古博羈窮，留滯天邊一秃翁。
京國圖書塵霧裡，廣陵松梓夢魂中。
天人自古巧相勝，培覆如今豈末公。
獨傍枯梧愁不寐，亂鷄和雨五更風。
山林朝市盡途窮，何處寬閑著此翁。
萬死持危木上座，一生耐久石虛中。
老難駐景春無信，窮未饒衰髮不公。
今古榮枯堪一笑，蕭蕭馬耳過東風。

送姜叔剛赴京闈

世緣已共鄉心薄，歸意仍無歲律新。
魚鳥不應嫌浪跡，江山寧肯着畸人。
望中梅柳空牽恨，夢裏關河屢問津。
愧殺茂葵還衛足，去留無策謾悲辛。
英氣真堪冀北空，才華況復斗南雄。
聲金雅識郎君作，搥石還知校主公。
稱意恩衫應展綠，趨歸宮杏正蒸紅。
小科試動鄉鄰慶，不阻三休耐辱翁。

書直旨山僧性峻詩卷

睡魔挑戰午慵餘，剝啄僧窗一軸書。
清隱古文奇說話，適庵新什大鋪舒。

向來蒿目憂方內此去天游到物初
球重高人遠相訪欣無炊爨折園蔬
雨中書事

乖慵無侶亦無營不拒湖山似有情
雨值連江嬰睡思才非賦物諱詩聲
老叅禪味思投社閑傍溟鷗許軟盟
回首塵勞堪內熱涸陰身世有餘清
夢裡新年劇走丸韶華強半興闌珊
事多敗意堅愁陣春不饒顏換酒丹
柳已弄黃風未定麥初扶綠雨曾乾
天邊節物看三變情緒令人可得寬
仲春初六日夜雨有感

疎雨鳴江攬客心蘊篲風撲轉難禁
青燈自笑餘窮債白髮還憐學苦吟
閱世已堪輸一局許身体更比雙金
君門咫尺遙千里何況浮雲蔽日陰
復用前韻

留滯偏傷太史心三年制淚更能禁
江籬正引湘纍恨越調還聽楚客吟
投暗不須驚白璧結交多誤之黃金
雲霄舊侶時相問長影怜吾強就陰

傷滿浦節使沈讓卿戰歿

朝家儲養詩書將要試臨邊虎略饒手裡琯弓穿七札天邊白羽落雙鵞
死綏不失戎臣體刷耻誰當桀虜梟青海無聲關月苦陣雲猶自壓城譙

宿山寺

幽夢回金磬裏顏頰石泉松明庭燎爛佛座篆烟綠靜味都叅定心灰不
復燃蒲團餘宿煖隨意學安禪

縱筆

日日郊原變東風弄麥芒湑烟斜冒樹瀟水細通塘挑菜誰家女扶犁是
處郎異鄉看節物懷舊蹟悲涼

翳翳飛雲過殘暉薄遠岡岸蕪回綠遍村杏糝紅香喜鵲多時語遊蜂只
整忙三年哦五字書疏負明光

二月十六夜

春宵誰苦短展轉難明卧久酸肢體憂多損性情嗟嗟身與世落落利
兼名難瘖不聞叫鵲鵲何許聲

釣者

俗云

補意挂孤艇春湖浸鴨欄緡釣心手會鱗介遁潛難指動雖當飽生哀度
可寬向來西塞叟虛釣若為餐

有感

世紛閔了同兒戲野味嘗多似蔗佳醉墮回應全內守坐忘猶許學心齋
弊裘幾犯吳天雪新火三鑽楚地槐宣室會應思賈誼便從前席乞殘骸
水次晚坐示直卿

綠暗連江柳紅催挾岸桃不堪時物變無奈客心勞新漲波吹座尖寒雨
到袍平生謀二頃清世有吾曹

用昨日水次韻

江晚薰纖草園明破小桃爲農寧待老食力不知勞村釀堪謀醉花時可
典袍詩鋒窮更捷端不讓豪曹

貧憶監河米饑思曼倩桃豈期超物表聊喜息塵勞牢落王官谷飄零宮
錦袍向來歡樂趣還恐損兒曹

歸虞收小麥行及薦含桃歲月菁華改西南望眼勞神交求異代晚計付
同袍傲睨一杯酒嗟嗟笑爾曹

長樂初聞漏玄都舊訪桃年顏迫蒼艾筋骨謝賢勞不藉陳湯力寧需范
叔袍江湖終入手鷗鷺與爲曹

題頭流山僧熙俊詩卷

滄江一卧歲三移親舊紛紛却背馳唯有縉流似相識慙慙來往慰羈離
夢中兩岳蔚接藍蕉雨松風白石庵蠟屐幾時酬宿債山靈應遣勒移慚
兒說行年與我同諸方參遍萬緣空盤旋慵下成衰病霜雪難堪語夏蟲

儒釋相排也不中都緣猶未去心蓬我無適莫收來者夷狄門墻肯異同
世間無處語天遊方外神交有惠休銚錫飄然能少住鬢絲禪榻話春愁
和直卿韻

充充傾懷夜臥遲十年聚散雜歡悲升沉敢道皆由命出處須知各有時
坎止流行元自了鼠肝虫臂亦胡爲南荒問鵬君休嘆夢裡輸羸拙覺非
春寒

清明風雨太淒淒零落山花半委泥病怯峭寒披故絮玉樓高聳帽簷低
和直卿韻

客裏連逢舊愁中兩見春虎鬚曾觸怒蛇足更謀身微暖先回物餘寒尚
中人歸心似江草經雨一番新
名逃傾奪地身致水雲鄉薑桂終存性芝蘭不改香北辰高阻絕南海遠
微茫誰似安西子歸眉可掬黃

釋悶縱筆

吾生垂半百，愁病恰平分。謗同羝觸殷，憂劇酒醺推。
書長慷慨塞，言避知聞可。保乘除理殘年，看策勲。

留滯頭成雪，逃空習已安。放慵忘盥櫛，省客強衣冠。
雨氣連江白，花光比屋丹。詩騷真閥閱，收得幾篇看。

隨意攤書坐，孤吟對晚暉。岸風帆腹飽，沙雨荻芽肥。
離缺通江色，蒼垂礙蝶飛。誰知浴沂節，和病試春衣。

已阻毛空雨，仍逢捲地風。殘花應打盡，飛絮定吹空。
索漠憐吟苦，膏肓任睡濃。江湖容信命，淹泊愧微躬。

自遣

老來才退賦文窮，只把詩書檢舊功。事外優游身獨在，
名途榮落夢俱空。彩毫未掃江詞敏，春草閑挑謝句工。
顏巷日高春睡足，簞瓢猶得慰衰翁。

十阮堂前躑躅盛開感嘆有作示徐生

百花都盡殿餘春滿樹猩紅絕可人驚殺南翁三度見何如翠壁楚江濱
趁蝶名園憶少時臨階折得最繁枝那知老大爲農遠獨對殘花恨鎖眉
客懷

一春常苦雨剛厭賦新晴殘溜增灘響平沙受照明卧病漳水曲勞夢漢
陽城淹泊春華改脩門默數程

江上三年學耦耕南音漸已變兒聲不堪醉尉多相侮故將寧思起廢情
自戲

天網嬰凡羽除書錄不才五年依社櫟萬里釣魚臺遮日非無手爲樽或
是灾吾今寧易慮漚鳥已驚猜

感春

時序堂堂去病如心賞何渚烟籠樹重江雨釀寒多春服初成製清沂已

張波遙憐脩楔反吟譔憶吾麼

春睡甜如蜜春愁亂似麻含情臨逝水回首惜殘花
衰髮侵尋短歸心積漸加向來真鑄錯猶自滯天涯

霧罷山增秀烟橫野欲浮漁人泐渚語耕子隔林休
飄泊花飛逕差池燕掠溝層軒宜晚眺仍掉苦吟頭

脩路西南走輪蹄簇渡頭螳群旋未了魚隊繞難休
衣食驅人役江湖動客愁有誰知我抱搔首俯滄洲

今春看又過風物苦相留江草嬰枯恨桃花笑白頭
大瓢將底用碩果不堪羞明主寧當棄泥塗自晚收

寒食感懷用祁皇華韻

幾多墟落斷人烟百感重逢熟食天病眼禱禳猶物隔
愁腸回轉劇繩牽榆槐獻火思傳燭松梓關心憶怨鶯
直北長安遙萬里魚書阻絕意茫然

自放清時已太憨名途不復羨朝三吟嘲萬象真窮雅跡寄雙林得遊
浦樹藏鴉初綠暗園花打雨尚紅酣握蘭溱洧多游女剛笑衰翁久落南
謝耽羅李鄴使大叟寄毛茵

南溟從古稽天遠何意雙魚到鼎津龍虎舊圖專鄴制詩書新教化數器
緘封物比檐榆重酬對詩同木李珍從此王家添故物客來那復嘆無陳
房星照野驛驢產虬卵登盤橘柚呈畫戟畫闥知令肅牙旗曉擲覺風生
不辭壯節供艱險還有孤忠簡聖明欲識歲寒心事在肯回高義問躬
耕

病聞征旆出都亭別後光陰幾變蓂鯨浪崩騰愁裡白鼇峰隱約夢中青
明珠薏苡虞謗謗赤子龍蛇在輯寧見說端明虛席待莫將霸思攪秋螢
烟水蒼茫繞竹扉翠磯盤礴雨霏微白蘋風約平如拭紅鯉鉤登健欲飛
錦里也宜烏角帽玄真不負綠蓑衣他年款段湖邊路待得成功萬里歸

述懷呈呂給使君依韻索贈行

濃綠歲村巷春歸問幾旬
柔桑蠶箔卷微雨燕泥勻
懷賞時難得趨功物
自新投閑應宿債猶滯此江濱

東臯釋耕後北闕被徵時
鷗社盟雖熟山靈檄已移
流離從薄俗出處負
休期物色非招隱淹留足桂枝

余欲遊伽倻山適被朝命不果贈導行僧性峻別

自我來南中三載荒江湄
官人挾勢高儒士徇名馳
莫肯顧衰朽羣門羅
可施唯有方外人脫略忘高卑
袖卷下山來累繭求吾詩
吾詩等寒辛廢
久澁難吹勉強或應酬
充然如果飢明朝杖錫飛影響
那得追峻師靈川
秀業白爲衆推安禪黃岳山
久被聞人知平生江夏子
高邁超塵羣眼高
信少可道契輸許支銀鉤
綰玉佩滿紙摘雄詞
適蒼老詞伯贈行亦俊詩
取重二公間鑑識寧余欺
飄然扣吾戶一見如夙期
夜榻側金盆濁水照

摩尼何如香火社少留儀諸緇高懷厭底滯打包來告辭
仰山探討期宜及聞健時足一喫我去坐貽後鶴蛙人生落世網何異蠶
纏絲勝享天國新岷嶺孤義之強偷半日閑默默顏怵怩余非廊廟安况又逢數奇寸
原果何戀歸歟歌採芝三生猶有緣一世那久離好在雲門寺永結窮年隨
愁霖寄地主高彥龍

極無仍極備均誤老農心愁漏將持傘謀炊欲破琴連村蛾化麥繞屋蔭
生陰孤旅猶無奈專城意何任

北上錄

戊子五月十六日解纜萬川回望弊廬悵然有作

殘生終擬狎沙鷗尺一驅人別故丘滿壁圖書收一束隨身琴鶴共孤舟
依依亂村烟中辭渺渺開雲水上浮騰欲賣綠移棹緩暮風吹緊過長洲

岐江

灘到交流處船移亂樹間
急風吹霧散疎雨打蓬斑
行役能催老功名不博閑
終慚庾開府詩賦動江關

題河進士野翁亭

鑿破天慳地新亭起岫嵯
縱橫江學字依約岫排髮
領略歸詩律冥搜信物華
愧非能賦手摹寫竟難知

江行晚景

江沱成凸浪橫斜咫尺船
膠費挽挐峽斷并閤藏密樹
清清鷗鷺立明沙依微野市
拖殘雨明滅蓬窓袞落霞
徒倚施樓無限思世將吟嘯
莫確誇舟次河濱

廣岸連青草回灣繞白沙
渚烟和霧薄壕雨度江斜
結纜聯艤船燒畬並嶮家
無嗟行旅苦還有勝遊誇

漆津阻雨夜泊

江雲送雨劇盆傾，舟閣沙堆夜不征。
燈火青熒兒女語，閑山迢遞夢魂驚。
床床避漏移孤枕，種種緣愁變幾莖。
寂寞寬閑吾道在，爲誰行役強浮名。

言諫議墓林

鬱鬱松成拱，人傳諫議歲無慙。
王蠋死不愧，鄭公鄉素業勤。
蠲復青編表，烈光未由鷄酒酌。
停棹一神傷。

金烏山

烏峰蒼翠挹滔滔，冶隱英風豎鬢毛。
周土粟輕生可捨，商山芝在世堪逃。
雲仍不似青蓮業，鄉里猶稱白屋高。
臣節養成由主聖，幾人能貤諫官褒。

雜詠

緣江亂樹繚如城，曉漲橫吞野望平。
細柳長洲都失險，危灘無復阻人行。
蒹葭陰森醜石層，舟人牽纜踏峻嶒。
樹枝低冒蓬窓過，驚殺衰翁午睡興。

麻麥冥冥漲潦中
携籃拾穗見村童
都要販舶贏魚酒
醉倚桅檣嘯晚風
雲峰缺處認浮圖
梵宇懸崖遠有無
想見高僧方宴坐
俯看舟楫困迂儒
兒女啼飢不受嗔
強調糜屑雜頻呻
向來耐事吾差熟
併食從人不道貧
司僕金君構亭浴水上
請名於余名之曰萬松

千仞岡頭十八公
蒼髯環合竹茅中
百年地秘寧收價
一日堂成始告功
碁局細消盡裏景
漁舟輕颺釣絲風
愧非能賦須題品
取次登臨意未窮
哀溺

河豐真鮓甕泓黑
瞰渾渾共道蛟鼉崇
常作人畜殮千金
孰壺買一葦可航
奔竟作憑河悔
徒稱抱石寃
烏鳶幸不食魚鰲
却須吞潦縮炎風
攪沙
暮暮雨繁衣囊
湏墳掩精爽
托巫言佇立滄洲上
空招不返魂

三樹亭

北槐陰合流金畏日行
親朋脩故事杯杓解餘醒
丘壑遠增感漁樵

稱情連村聞打麥留滯慰愁生

六月八日苦熱

午倦句添睡味濃頽然欹枕到高春烘窓燥景噓深甌繞髮飛蚊殷遠鐘
楚客雄風思授簡漢宮仙露欲澆胸征塗塵土加煩促忽憶湖陰漱石涼
聞慶琴守成之追餞龍湫

滿路炎塵襍櫂行脩門猶阻短長亭已逢下榻能寬數不用臨歧便繫情
神閔潭心開窟宅練飛崖口殷雷霆勝遊可復尋方外却向征途取意成
過鳥嶺

北望音猶阻南來路始窮疊雲高泄巘飛雨細毛空齒髮侵衰境行休任
薄躬竟孤題柱志多愧道傍翁

六月十六日衝雨過忠州

草草携家過葉城暮天風雨太縱橫泥深陂裡亂啼鶉濕重枝頭愁正鶯

正坐謨名還自苦，孰令陳力亦何營。
湖陰梧竹應霜洗，忽憶巡簷稱賞情。
將抵驪江先寄震卿使君

留滯三年髮已絲，道逢親舊盡驚疑。
明朝繫纜華樓下，覓先應聽水湄。
發金遷

信宿乘新漲，江平一棹東。
那堪十口累，還寄半帆風。
白塔看幾近，青蕪望忽通。
驪興是何處，憑報主人翁。

過神勒寺有懷舊遊錄奉震卿使君

隱約烟林杪，浮圖眼忽明。
曾懷去國思，共作問禪行。
高會三更罷，佳賓四座傾。
當年藉輪謁，相望幾虧盈。

大灘

夷輶車千両，喧闐鼓萬槌。
篙工心欲細，病客膽先摧。
振鷺衝巖起，跳山入座回。
片帆愁激射，歌側岸邊來。

寓舍晚眺

乳燕低平楚，踈蟬翳老槐。客行驚節變，秋律抵家回。虹掛收殘雨，江明殷遠雷。有詩供興寫，無酒遣懷開。

入城抵家夜臥有感

入門松菊渾蕪沒，唯有南窓寄嘯吟。長樂鍾來依舊聽，玄都桃在懶重尋。圖書檢出全拋篋，親故來收半死心。豈敢久稽江海跡，白頭要和五絃琴。

六月廿六日詣闕謝恩而還有感

六年不踏三條路，雙闕依然擁五雲。人物半非看了面，貂蟬多是策來勳。寬閑未償餘生債，衰病還穿萬馬群。可待壺頭思下澤，江湖塵土夢平分。

己丑雜錄

金子通將還春川求詠其居

茶鐺夜斫仙樓煮丹竈晨添活火修道味全家如許掾他時舐鼎亦真游
循除灩灩聽玲瓏半畝彎環一畝宮雲影平沉明鏡裏山光常蘸淡油中
盈科不舍真如道流惡無機也自公雅識宣尼川上嘆肯教心地便隳功
衿陽途中有感

二月衿陽過者稀樹林新綠掩朱扉殘霏鎖岫當行路細草傳香上客衣
往事那堪身獨在浮生無奈計多違誰知跋馬含情地有愧荒郊倦鳥歸

憇安養川上

石橋經潦圯迤渡馬行艱選勝得芳草開襟臨急湍撲綿溪柳嫩披纈岸
花斑風物無情思令人惹恨端

紀夢

氣脉流通自不踈了然非夢亦非虛過庭詩禮如承問山木蕭蕭雨到初

省達墓寺阻雨信宿

春晴愆澤久好雨強知時
采甲隨宜長花房滿意披
歸耕心轉切抱甕力
休疲留滯晨餐闕山僧許續炊

叙悶

已阻連宵雨遂逢盡日風
吾行一如此世路本多窮
丘隴輟今北江湖焉
欲東向來粗學道淹速信蒼穹

回途紀懷

細草如茵接麥芒平郊泥滑馬行妨
一春光景無人管付與鳴禽自頡頏
無數鳴鳩和鷺鳴笠簑拋盡客裝輕
還家有底忙時事要見園桃滿樹明
爭渡那言識路行漲沙魂斷暮濤聲
船如鷁退遭迴久都是江神亦世情

題忠州李四宰次野新居

行爲歸耕急程因訪隱
違江晴龜曝石逕狹樹鉤衣
谷口風聲似盤中物

色幾未須愁日夕山鳥解催歸

咸昌李守來慰驛亭明日以駿馬代步詩以爲謝

咸寧汗血真奇種熟路追風不用鞭
四十里程彈指過却疑凡骨已登仙
喚取盤餐霑僕隸夜牀招得遠遊魂
老來求飽無餘事誰道剛酬一飯恩
雅識平生飛食相十年爲縣屈雄圖
聖朝會試臨邊用定遠收功鬢尚烏

崎嶇歷險屹山路曠蕩銷憂沙伐城佳處無詩酬
物色應緣快馬少徐行
苗針出水麥腰短高燥何妨澤少愆蕭颯隨車
卽甘雨免教南畝望雲天
病起洛陽傳舍將發寄地主張大訓

苗梁七熟洛陽城病起肩輿骨未輕
顧眄頻無來日想悲吟猶作痛時聲
一春斷送真些恨十口相隨亦漫行
裹飯意深違不得可堪烟樹繫前程
卧病開寧竹軒決二旬叙懷投贈主守金君可悅

竹爲軒額未全安無復烟稍束萬竿
有團欒搖寸碧十分培壅歲寒香
韶光忽忽換朱明一卧漳濱月再更牛
蟄聰除酣蝶化綠陰何許語流鶯
日西山影滿庭隅深院無人雀引雛
不待青梅供却睡渴喉消得嚼冰壺
千金一滴誤農功省事鯢桓抱寶公
袂底盡成龜兆圻桔槔無柰漢陰翁
久客忘歸問幾時羅羞闢館荷心知
賢於暴飯桑輿分別去停雲有所思
同年林璨以所築廣寒亭記示余索題
記乃林可虛所作亭亦被火未修

亭假仙居有絕稱主人身世可乘凌
不嫌老子孤登眺爲記文章亦足徵
不是亡後一炬空定知回祿相畸翁
秋來莫倦重新費善頌吾堪越告功
主守追餞飛化院同年金錫禹林璨
亦來會相與疑叙至夕乃別
置醴情深已不窮又勞供帳餞途中
當年共榜幾人在末路相隨我輩同
野水欲添金罍滿林花猶戀客衣紅
在陳在莒宜交戎他日毋忘一禿翁

寓宿星山興民閣用壁上韻贈半刺李虞卿閣東西廂有紅白蓮池
風從京洛打歸裝滿路炎塵嶺嶠長病欲伴人來故故春曾背我去堂堂
瑛盤薦寶樓擎籠客飯嘗新麥滌場一宿仙宮神頓醒夢回簾幙襲荷香
次高靈軒韻

已任忘高下寧須較短長微風登水榭細雨俯蓮塘入社懷人白經壚憶
姓黃粉榆新放跡鸞鵠舊叅翔旅酌罇盈詠官厨飯飫梁桃笙供醉睡尋
路得真鄉

追用去歲和東坡慈湖峽阻風韻寄呈希剛公

寵辱年來夢亦空如何灾疾困途中恒飢易飽嬰脾病似靜聞雷苦類風
居物無贏愧計然平生半救信吾天鵲居本是駭陳饗糠粃還逢籛在前
南冠消得執珪詩蓬燭鸞書阻北扉甫里生涯唯釣具滿江風雨一蓑衣
誰將年宦闌王融造物從來忌冒功洛社休官老居士晚年光景付談空

傲睨知公剛笑我去年陰潦挽征帆向來魚鳥盟寒未好在湖陰舊釣磯
陝川東軒韻

渴喉頻想嚼含消病裡思家萬里遙默數田疇龜兆圻起看天宇玉繩高
衣冠漸隔東華路袍笏全拋北闕朝莫恠周行疎記憶自知新落几牛毛
故人無柰盡飛騰自放寬閑我便能云國真成襍校士儼裝還似打色僧
溪山幾處供尋討詩酒無人屬對應過眼樓臺皆勝地使君佳賞許同登
李林宗寄題續喜亭步韻酬之

無喜流聲久吾今續舊觀華堪方藻稅儉不愧雕欄咽磳疎林外奔雲遠
岫端應同辱溪柳亭號汚林巒

已成無悶客那作不平鳴高下心安適榮枯夢亦驚山瓶晨得酒卻醉午
半醒談笑逢林史誰知座盡傾

晴陰

晴陰不定雨霖霖深樹鳴鳩喚婦歸薤葉生涼挑睡睫熏鑪留地裏簞木
山田未廣後來少野約新成客過稀散髮清狂差足樂此生寧復蹈危機
苦熱

當空碎兀火雲升樹竹交檐畏景乘煬竈投身曾怕爛熱羹吹口始堪懲
雄風思鞅蘭臺賦賜告恩隨玉井水頑質可能希靜時幾時涼露沈炎蒸

自遣

萬里流離作寓公移家還得竹林中疎籬菜圃新雷雨深樹山禽亂叫風
食力漸知安舊業荷戈粗免役微躬天涯夢不交京輦三殿趨朝認綵旗

贈學子辛卯別

誰肯待能問不能多君負笈觸炎蒸遠同柳子囚山苦差勝長沙賦鵬遊
力學雅非干樣仕高才終不待師承劇功鐵硯期他日末路何人耐久朋

午夢

北牖尋殘夢槐陰生嫩涼一蟬吟晝靜雙燕哺雛忙翰墨功雖退田園趣
漸長向來膏火裏贏得鬢滄浪

遊水菴

撥病尋蘭若層峰霧雨埋依微羅帶繞漫滅玉簪排圓枕供僧睡嘉蔬薦
佛齋未能隨結夏浮世意多乖

谷轉含風遠峰高隱霧深吳圖填佛事魏紫繁牆陰容我無機客衆君不
住心蒼髯管迎送歸路暮蟬吟

卽見

繚逕似人腸九曲支川如燕尾雙分肩輿小駐鷄鳴午西崦茅茨隱白雲
闍谿十絕

倦游真棄七年官忽忽囚山歲月闌檮燭揮毫天上事涸陰無夢到金鑾
山中幽况報誰知隨意榕陰步屨移問字人來聊棹舌乞詩僧到暫開眉

青蒲白水擁籬根，歲得鳴蛙鼓吹喧。動靜相乘歸理窟，與誰觀妙與誰論。
山雨絲絲竹塲邊，榴花亂點綠苔錢。閑看鬬雀過牆去，不覺好詩生眼前。
暴富西溪一尺高，奔波激石怒雷號。兒童破卵携籃去，恰得纖鱗饋老饕。
翁姑笑謔剥麻喧，列竈烟橫谷爲昏。勗爾爲絺裁葛穩，秋來先蓋祖癰痕。
恠鳥山中百族啾，如啼如笑又如謳。禽言欲效都官體，才盡吾今恨白頭。
少喜文詞進技工，老從農圃試場功。苦無專智收成少，歲晚何辭甌石空。
年垂不惑尚朱愚，臨事昏庸昧反隅。剛齒不饒柔舌在，至今猶守宋人株。
王官投老書生便，甫里爲漁處士宜。千載行休輸漫浪，神交冥漠照襟期。

釋悶用東坡白鶴峯新居韻

暫致軒裳辭輦轂，遠隨萍梗寄江關。片雲兩黑郊墟外，小閣涼生几席間。
有債應須耕白水，無貲何必買青山。唯將多難供多暇，欲老遼東未擬還。
燭龍嚼火烘圭竇，喘月如牛不點燈。姑射難親肌似雪，陰山安得踏生冰。

詩功揣量收窮鬼禪理研磨付幼僧日啖菜根兼糲飯萬錢誰復強何曾
鎮海公館即席示餞送諸君子

鼓笛華譙落日邊令人去住轉茫然海邦奇勝應須記望裏鰲岑翠挿天
翠竹蒼梧又紫薇秋深風物媚官扉南溟烟月東華土別後相思有夢歸
蜃戶般般傍海濱平生網罟替耕耘風濤一葉看掀舞不恨冥行路不分
重腿從前謹下堂南來都爲雪溫湯除書喚起漁樵夢釣手炎塵障夕陽
留連杯酒動遭牽離合人生本偶然四座賓朋休懊惱明年投劾早歸田
寄望鰲魚子遊使君

蕭蕭風雨夢周公剝啄聲來起病翁八梢魚作供厨料雙管毫收詠物功
文章到子便心降偏霸東南割二江剛道老除真善謔洪河寧教隴頭瀧
苦憶中書賦鵬人 德音頻降尚遭迍難隨鳥翼過從數憑寄緘書問苦

辛

時鄭子
仁謫居

世故驅人未放休又勞遮日上神州安能仲叔省煩事十口相隨爲口謀
水藥平生灌圃紛酸醎雖異同有功齒疎髮白猶黃綬華省何曾數此公
混沌湖陰鷗鷺盟暮年邁軸共關情也知生死煩相問漢北嘉魚續續烹
陶翁止酒壺觴數蘇老坐詩篇什多二子有靈應一笑莫教持戎損天和
畫餅虛名不救飢觸藩維谷竟何之會稽儻乞方回便幽討先尋廣濟期

送琴東萊守廬君卿

良夜高秋月滿軒金釵扶起理桐孫多情法部放亭曲試與湖陰病叟論
二十日曉起書懷

螢飛螢叫夜悠悠片月雲頭露曲鉤歸計萬端秋已暮可堪長倚仲宣樓
烟沙如雪樹如帷半夜鉤簾獨起時五畝未成身計左鏡中華髮轉生絲
江心撥刺大魚跳悄愴神驚遂至朝視草明光非所羨喜將蹤跡混漁樵
憶過都要暢飲回使君雲幙向江開留連歌舞徂清夜索寞如今謾覆盃

巴山鼎水恣盤桓，導渚飛鴻十載間。何日乞身爲我有，免教魚鳥笑疎頑。

晚景回文

山爲鬢，露路極遐觀。水作羅明徹，底看寒笛小舟歸。渡遠丹楓晚，岸夕陽殘。
心遠堂書懷

高齋斗絕瞰郊原，曠蕩銷憂慰客魂。霧罷盡呈依崦寺，林疎通見隔江村。
酸寒杞菊非人厄，埋沒漁樵亦主恩。構厦正須樑棟用，盡年安得散村尊。

連宵夢綴紫宸班，溫語多承咫尺間。內相掌綸非所擬，地官司計亦何顏。
朝靴霜陞鍾三杵，釣艇寒蘆月一灣。急急形開猶故我，與誰料理辨忙閑。
不寐

水月通融牖羈魂，屢有驚鴻葉枯風。易怒沙冷鳥無聲，京國頻宵夢家書隔。
歲情未能機暫息，還復日萃生。

尹監司送黑戡書爲謝鏡之

珍重廷珪璧緘從按使傳不能越世白聊且守吾玄拂拭溪藤清瘦可輕
瓦堅沐毫摘藻思先欲上歸田

謾書釋悶

病着不能朝日過且留漳水玩殘年傳聞臺閣鴈鴻滿放與沙鷗適性便
動無筋力妨陳力靜養精神更損神只合香山投淨社早須三教誦其身
老無長物送居諸除却床頭兩卷書牛李賢邪同泯滅孫劉熏灼亦消除
裘褐寒深尚襲輕南翁粗慰授衣情繁霜未脫連山葉長夜江頭作雨聲
講罷延和晝漏稀滿身渾惹御香歸夢回始覺承恩最依舊丹徒一布衣

醉後寄朴彥胄

冒寒高閣意淒迷雲物冥濛釀雪低遠水人歸聯騎渡前林鴈起過江啼
追趨畫省曾鳴玉淪落荒山獨杖藜衰白離群逢歲暮誰言得共醉中齊

殘春有感

衰慵於世已無營只合湖田學耦耕時論或疑堪百里病身那得辨尋城
花供蜜課蜂脾滿雨熟江泥燕壘成莫恠眉頭常未解感時仍抱惜春情
聞擬晉牧故
三四及之

病起將赴朝書齋壁

平生土木任清羸病起湖陰春盡時粧面映紗花翳葉寶奩開鏡水明陂
苦無佳句酬春事羸得殷憂換髩絲魚鳥有情應笑我爲誰騎瞎強深池
阻雨商山戲東主守公紀

愁逢客舍雨連山旅况惜惜益髩斑障日却嫌將釣手入時何用強塵顏
人間倚伏休前斷局上輸羸要熟看非久共尋湖畔侶小舟挈月蓼花灣
榴花顛倒點蒼苔睡睫頻挑苦未開蛙鼓已依青草閑燕泥時傍盡樑堆
萬畦翠剡皆興矣一枕清風亦快哉破費官厨三日供只應相譖不相猜

奉荅李淵谷韻

時爲尚衣正

安得振衣千仞岡東衣尋丈謾回翔尚方佳句來相起驚破遊山枕藥囊
依韻荅淵谷見寄

黃塵不貸芟荷衣廁跡周行蟣蝨微漫有鄉音拖舊業頻移帶眼減初圍
飄飄病葉迎寒信漠漠殘雲悶日輝同調似君真杜宇向人剛道不如歸
病怯初寒屢索衣強挑燈焰轉依微詩魔得酒還成祟愁陣逢秋未解圍
豈是一塵裨地厚敢言孤燭助陽輝漢庭尚老行膺用莫歎郎潛且緩歸
書通禮院契軸

鴻臚元切侍臣班妙選官曹也一般丹陛踰時聞旺唱紫宸宣後殿鳴環
清遊好趁群休暇勝跡還輸尺素間榮落百年歸歲晚他時誰質利名關
上元示友人

鼎鼎新年律萍蓬輦下逢卯申歎老病憂患損懽悰俠騎游塵裏篝燈

夢中三元隨歲是空惱兩衰翁

戲寄李盛仲

晚酌君家到後堂
開花如雪襲人香
生憎暮雨催歸急
不見堆盤燭跋光
泥水渾渾沒馬蹄
帽簷愁濕壓肩低
分明去歲湖陰路
晚霽苗與翠剡齊
魂翻眼亂百花叢
寶馬香車處處同
老大逢春增苦業
病眸朱墨閱朦朧
拂掠微風嫩柳枝
方奩貼貼皺連漪
荷錢未點蒲芽迸
恰似江南二月時
愛酒尋花一任真
少年狂興老猶新
當筵最賞調箏手
巧笑嬌顰盡可人

雨渡路梁

沾濕神傷蓑笠重
呼船穩坐水雲中
斜風細雨踈蓬底
此日分明舊釣翁

悼友人

夫子忽長逝
吾生誰與同
才華推獨步
官秩後諸公
天驥行空迅
秋雕挾
翮雄胸中
開武庫
筆下絢晴虹
速毀名爲累
遭時進未窮
留連曹省遍
出

八翰屏通樹立宜無讓升揚柰厄崇宸衷優汲告冉疾軫尼終久要情何
極長辭事已空成河傾有隕回首曉城東

戲自遣

種種霜毛與病俱名途那復染髭鬚祇今廊廟多黃耆頭白何辭綰左符
晚節功名有富民未須料理二毛人 聖朝用少吾無用且向江湖好致
身

火山臺額字代人作

高棚結束翠雲中幼出鼇山奪鬼工一豫也知由一弛一宵回祿擅奇功
銀花金粟錦成堆殷地笙歌法部來欲識人和真氣象嵩呼聲裏袞袍回
燁煌火樹列鈞陳不夜光中進侍臣欲爲先朝修故事倡優技拙莫呈新
雷震電閃劈層霄一簇砲車鬼膽消陰昧已除陽道長夔龍明日賀清朝
湖陰先生文集卷之一

湖陰先生文集卷之二

洪陽錄

上任訖有感二絕

白頭羈宦運州城，僚慄秋風百感生。
唯有月山情思在，晚來凝黛入簾旌。
鰥魚長夜鎖寒廳，更鼓無聲燭焰熒。
朱墨老年非所處，邇來闔岨夢中青。

上容齋相公五絕

寵極專城髮已稀，舊磯猶戀綠蓑衣。
春來理得南湖艇，準擬輕拋五斗歸。
迢遞關山故舊稀，殘年制淚已沾衣。
寒江沉素魚魚到，夜帳驚眠有鴈歸。
輕陰釀雪曉星稀，微霰踈踈乍點衣。
冷透黃紬眠忽警，夢尋京闕半途歸。
城角初殘漏點稀，吏人催我整朝衣。
一陽修賀臣能邁，莫恨周南滯不歸。
凍雲低屋鳥烏稀，刮面淒風動戰衣。
薄牒撩人開口少，醉鄉蒸絕與誰歸。
相公見和復步韻酬上六絕

上台佳句落來稀榮甚前人畫錦衣更有誨言鐫朽木且從鞭策譚言歸
性癖紛華入念稀唯將文墨自勝衣風騷老將堂堂陣欲犯還嗟喘汗歸
末路情知己覺稀更無危語戒牛衣問渠學製多傷錦何似投章早賦歸
清夜空齋燭焰稀拋書尋睡擁寒衣苦無榮願為官小只托神交有夢歸
谷口幽棲夢亦稀雲山深負薜蘿衣春來猿鶴休相怨我已忘著不念歸
散質於人見賞稀相公猶自許搥衣思量倦宦終安稅租報君恩始是
歸

寄李次野

愛道為官好翻思解綬歸專城雖
罷極素食愧心違月傍明河轉霜隨
白鴈飛有懷無與語搔首故人稀

向來擢散地壯事負明時筋力因年減乖慵與老期豈堪民社寄端可傷
顏自識催科拙歸耕也未遲

重陽柳捻戎子淵見邀

斗覺清霜兩鬢侵
洪陽羈宦憶湖陰
年衰興況孤秋色
政拙施為忤俗心
籬菊正須陶令採
鄒山空入越人吟
南來無處酬登眺
玉帳嘉招是賞音

退息亭

疏鑿功雖淺
經營計未疎
開渠行碧玉
和土種紅蕖
枯葉皆黏塊
微瀾不蘸虛
祇今生意足
拚賞日躊躇

已吐連趺葉
仍抽并蒂花
小風香遠度
殘日影俱斜
可試凌波襪
堪欹折角巾
吏來休報事
人在水仙家

疊甃開奩蓋
偷天落汞鐸
物來虛易辨
盪進惡難容
搖散坡翁影
澄涵茂叔胸
不應遺愛在
留與後人供

鳴鶴長思侶
喧蛙只亂人
不群真可尚
無謂詎生嗔
欹倒行藤杪
周遭散芡濱
禽魚同寓樂
滁守跡相親

退息饒閒事招邀決拾僂臂調弓力軟弦急矢飛低中巧心翻拙輸多意
不迷可能投筆去勲策王關西

大暑叙懷

晚風吹度芰荷香半此烏紗好納涼河朔會高人幾在蘭臺賦就興還長
老親刀筆拋書卷病伴茶鐺覆酒觴不待尊鱸謀口業已將琴鶴打歸裝

池亭示客

雨試黃梅潤天慳熟麥晴官居雖似僻吏務苦相嬰魚鰾青蒲動池涵白
水明喜逢珠玉側佳賞竟難成

晚涼荷背白日夕便巡池吏卒應嗔我旬來幾放癡

奉別伯氏赴長水任

東亭細草幾回芳又赴離筵舉酒觴輕別異時貪賤苦為官今日簡書北
天涯暖律催花事關路春風送鴈行鼎足腰章真僅見定知鄉里羨輝光

春興四絕

東風吹送雨斑斑
淚裊桃腮未破顏
觸惱詩翁尋好句
謝家春草放天慳
簾幕淒迷捲曉寒
六銖衣薄怯憑闌
花枝嫩弱風吹折
驚殺蕭娘瘦一般
吹動微波駛一池
玉鑪殘篆裊烟遲
翠籠羈鳥真多事
漏洩佳人話所思
小雪欺梅未壓枝
只消飄灑入簾帷
兒童浪走無情思
却道狂風亂絮時
送春有感

春盡都無日園亭
思黯然花飛憐片段
草積愛芊綿悄悄如傷別
寥寥劇斷絃
曉鍾堪把玩
通夜欲忘眠
漲綠連城霧
殘紅委陌塵
燕歸爭傍主
時改轉愁人
舊隱思丹竈
餘生老白蘋
一官慚鄙序
辭去絆無因

勞生愁病裏
四十有餘春
藥裏唯長物
書囊未苦貧
感時成仰屋
行世久迷津
只是窮人業
從來自寵珍

朝陽烘屋角群鳥語難窮冷被鱗身半驚魂睡不終香車桃葉雨繡幕李
花風張望秦川伴何人記禿翁

此日足可惜謫仙曾有詞少輕佳節過老覺實心違逝水無停壑閒雲只
片時明朝更陳跡愁坐綠陰圓

疊送春韻見志

世道靡所騁吾且寄陶然書檢年前蠹衣披病後綿古昔尋至淡閒趣寓
無絃漸識餘生樂悠悠但貪眠

幽逕堪回屐清池不受塵草荒多沒鵲波動喜搖人林雨肥青子山風舞
綠蘋問渠來作主豈亦有前因

已負忙中賞難追夢裏春微官終是累清俸未嫌貧羅逕歸尋壑烟波去
問津莫論燕石贗吾自背時珍

偷卧陶牕曠傍觀阮轍窮齊名聯李杜接武盡嚴終綸綍工摘藻雌雄壓

賦風折腰懷斗米猶滯鼻喘翁

志學尊無己為文貴達辭菁萃今尚晚事業昔多違風穆香燒後雲披月吐時邇來書簿開堆案百重圍

率酬伯氏韻

荒政心勞增老態衰顏無復舊時丹衣冠強束情多厭漁釣終偃骨已頑
露重橫塘荷蓋偃風含深院樹陰團掣雷懽緒知難時欲話離懷鼻自酸

四達堂賞蓮二絕

滿身蘭麝襲紅衣日日巡池未覺瘦忽起土囊顛末過六卽魚柰恨封媒
日炙風翻半落英玉顏愁損淚痕明潛來不合風標鷺縱有徐娘亦寡情

夜坐示心仲五絕

與君生甲直三星身計蹉跎百不成
撥拾人餘猶敗意自怜在世竟何營
衮衮傾懷未肯休殘蟾直掛屋山頭
困瞠歸卧如塵礫城鼓俄聞已報樓

綠蘿殘雨濕青鞋
隨意溪邊坐石苔
豐草會便麋鹿性
猶存絡首也堪哀
沮園坐勝待人成
佳賞逢君始適情
薄暮微涼生水麝
不知敵熱屬三更
世欲相踈未肯踈
勞生劇似中鉤魚
五湖煙水秋來遠
夢入蘆花掉釣車
遊魚量寺奉續金成之尚書韻

已識遶多障寧教女散花
酒闌偏少睡身病轉思家
絕磴傳鳴笳平臺隱
細莎夜來蘇喘熱山月滿橫阿

聯翩五馬訪禪居
山徑無塵草可鋤
石塔已煩尋大士
松灘還與討尚書
用悅卿韻書寮釋詩卷

金地無三伏嘉招起我思
雲霞諸界靜膏火一官悲
排訐真夸矣冠巾欲
進之只嫌塵跡掃山木為低枝

化麥雖僧去拋團許客休
青熒開室閣白業叩禪幽
群碓因風應孤螢度
閣流諸朋分榻去抱病惜茲遊

將出山示同遊慶心仲五絕

髻絲禪榻不相猜
三夜同君撥芋灰
滿院油頭噴臭穢
山僧應未許重來
至人於世本遺身
朽骨無勞釋子珍
應似楚鄉憐屈子
千秋留塔寓悲辛
跨谷連筒幾道泉
屋頭飛練散諸天
都歸鐵鑊容千斛
積雨微瀾動鬢邊
殘臺累石樹旁圍
畏日流空却歛威
靡靡冷冷窮未了
與人謹叫謾催歸
君雖畸世辦長閑
坐我奇窮所向艱
白帝高尋寧要得
他年輸與夢中看
效溫李體錄上李使相重卿四絕

輕衫恰得試方空
閒遍榴花小院中
薤葉簾輕祛酷暑
水晶簾薄透微風
玉塞音書轉邈然
銀床葉報火流天
良宵何處聞愁劇
微雨踈螢繡閣前
銷金熏麝暖融融
臉暈吹潮酒有功
誤殺鉛華知薄命
錯教長恨錦衾空
深閨又負標梅詩
春盡楊花亂撲扉
剛恨平生學刀尺
為人長作嫁時衣
寄平安李揔戎重卿十絕

向來攘却廟謨長畢竟邊功墮渺茫平地崎嶇生過計至今無策償遺亡
命帥從來在簡求希文師亮本儒流功名到底軒天地枉道貂蟬出鎧鏐
傾都冠蓋集河橋共賞腰間大食刀試出春明應帳望黃沙青海本非遙
西都應起鯉庭情紅旆而今父老迎未是慙歸花結子定知頻想錦江城
鐵甕高城百二關邊烽不警勝兵閑輕裘煖帶堪操鍊不在收功矢石間
橫槊題詩興未闌驚風驅雨筆間寒清新對屬能多少寄與江南子布看
遙知塞草蹀金珂不負平生意氣多共道湖翁饒膽畧捻戎雲陣壘堪摩
自昔徒軍數二王功名不獨辨書囊白頭料理千薪下不道吾今有寸長
愧把豚蹄祝滿車所持雖儉欲還奢涸魚可待西江水儻有山貲足老涯
雷雨連朝振蟄忙勃然芽甲地中長魚心枯木真堪笑造化安能借寵光
病中對雪謾成五律錄寄安分五首

余如潑水粟渾身病吻飢齋曉轉呻窓撲群蛾聽密密簾吹飛絮積陳陳

陶茶闔品輸金帳素卧持高傲貴人寥落聚星尋白戰擁裘誰看玉梅春
盈尺初呈未臘祥賀班珂馬繞宮牆靴鳴仗下春潮咽日射廊腰縞帶長
親拂侍臣衣上亂欺凌詞客筆尖忙爭如病守無情思懶放晨衙入睡鄉
江南舊隱冬猶暖夜認堆壘曉已消杲耀陰崖綠變石稊糊烟樹未封條
履痕旋滅尋村迳危勢先分隔浦橋囊笠揚漸又凍鯉歸來分獲語漏囂
關西人幙今踰紀幾處登臨積縞間浙瀝衰茸風撒眉龍鍾馬上髮添斑
唐仙警句增奇峭遼海修塗飽阻艱却憶容齋工體物抵今山立押鷄班
與君憂患萃殘年對景無情坐惘然投簡已忘誇賦手替燈無復映書編
金釵未擬春添座芋火終思煖恆眠毀棘何時方覲面共談辛苦卧僧氈
病中有懷寄安分五首

不堪腰折督郵前斗米令人興索然簿牒年來無暇日林泉老去有深緣
孤雲飛處知山寺薄雪銷時記野田咫尺思君千里阻一緘消息若爲傳

軒輊於人敢後前
耕流砥柱孰巍然
賦歸彭澤多微意
投社香山了宿緣
近報山中千橘橘
久知湖上半蕪田
眼看爛熟饒傾奪
清苦吾家有素傳
病軀長閣一燈前
歲晚鄉思倍黯然
明鏡豈爲塵垢蝕
長松不受薜蘿緣
茹芝但自逸溪谷
種豆何須怨廢田
說與顯冥都不悟
却憐夫子可心傳
萬木爭榮病樹前
老分竹鬚蒼然身
從疾病無官况心
遂緇黃薄世緣
報國才疎成棄物
退耕懷切有荒田
漁翁學士他年事
唯望雲霄一字傳
西塞山橫白鷺前
桃花春水漲油然
筆床茶竈猶無恙
兩笠烟蓑是舊緣
晚計終須持左契
餘生安得似閒田
愁來胡寫無佳句
不要詩名萬口傳
新正後三日相視東堤有感

抱病多慚費俸錢
又將憔悴入新年
偶因出郭時民利
聊與班荆坐野田
殘雪孤烟千嶂外
寒沙獨鶴一川邊
陂堤開塞人存舉
老謬無能配昔賢

與伯益話宿山寺

曾從巡稼識山曾幾度思將病未能衝了野風穿莽蒼踏窮岡雪上峻增
民居欹側猶依掩佛殿荒涼不見僧辛苦四年羈宦味一宵輸與老禪燈
步韻答韓晟之三絕

刻畫無益強不如世人那肯食吾餘非關明主終疎棄正坐平生誤信
書

一葉鳴榔恣所如卧遊驚夢曉寒餘清秋又盡忘歸去南鴈無情寄遠書
與君臭味畧相如脫粟加餐不願餘但得江湖散人號何須二十考中書
枝山夜飲示晟之二絕

過閨秋光覺易闌黃花絳葉已爛斑憑君莫道登臨早且作前年九日看
四座賓朋揔席珍相將卜夜醉淋身紗籠銀燭雖依舊只欠朝朝暮暮人
答晟之一絕一首

與人情寡自禪家聲色於君不是訶駐景仙方多採氣何須旅宿却昭華

荏苒流光逼剝陽身拘羈宦劇迷方詩書老去非前債魚稻秋來憶故鄉
漳浦似聞捐玉佩藍橋何日搗玄霜寧教冷淡供生活留與雲屏伴夜長
退食堂荷花後開五絕

藕花重發艷尤殊日夕奇香滿座隅驟雨朝來驚颭水更教仙蓋瀉明珠
暮水紅雲憶往時風翻雨打任離披人情到得稀為貴却使龍陽泣寵衰
國色初非耐叩酒麝熏元自發天機使君莫道孤鰥甚香御娉婷擁四圍
喚鋪歌席綠簾下打點妓行紅藕邊我似樂天人不識三年官滿有餘緣
十丈花開大率巔羽人收實制頽年半止羸病空餐盡轉覺秋霜滿鬢邊
金學錄子英任州學有所盼復職將行懊惱太甚戲奉十絕以解其
意

三年留越已忘西敢道官寒只茹蘼莫報除書真惡耗頗令嬌笑作悲啼
一轍東行一屨西罷同寒被與寒鑒此心惱了無餘淚付與春禽盡意啼

寒齋燈火夜堂西朝日盤中照淡齏鮮釋郎君無限恨盡情瑤瑟奏烏啼
官資休復計東西一種朝鹽與暮齏鵬鴒巢邊添野鷺孟光應未厭飢啼
當壚相勸玉東西不要蘇郎醉後齏腸斷春來同折柳黃鶯多事莫頻啼
花上徘徊日易西離懷酸苦劇吹齏郎君却愛高官職不念中閨暗裏啼
誰言宿業慣東西自是心期抵粉齏只恐白門來較晚卷中無復見嬌啼
只携奩具雪龕西寥落齋厨共噉齏不恨君歸憐命薄幾回蓬首背燈啼
但得隨君鎖閣西候鯖未必勝儒齏誤身只作章臺柳風絮飄零露葉啼
鏡破釵分一水西明朝無復食君齏妾心化得春流遠日夜灘頭嗚咽啼

酬晟之示韻二絕

身如北鴈多歸思夢學南雲不定時京兆坐曹唯五日吏民何事苦嗔癡
燈火昏昏趁晚衙眼前朱墨隔重紗殘年有債難酬了官裏居然歲又華
晟之告行詩以言別

歲朝晴快占豐穰鏡裏休嗟髮蒼殘雪護陰留野迳
斷水迎暖出官塘
夢迷謝草詩功退卧穩陶窗睡味長只是心閑三日惡
已牽梅柳攬離腸
韓國樞哀錄拙作來示嘉其不替先志為題其後

收拾狂吟亂擲餘巷中未覺故人疎秋荷共聽跳珠雨
臘雪同看積玉除
往事思量都是夢浮生聚散本來虛感君篤孝今安有
義重存亡為一書
寄西海尹監司鏡之

三黜我叨黃綬二毛渠惜青銅街吏不報書記珠簾空捲東風
跳珠夜雨水閣生粟炎天盡樓使客自是曠客舊游何似今游
崔宰南山郭外盤陀廣石溪邊流觴入手泛羽雲海盪胸摩天
真成閣裏窮走不問車中醉吐賤子豈辭罰籌相公為解樽罍
老逢凋邑傷錦日對菜色啼飢魚由散發紅腐不堪督急文移
當年珥筆青瑣今日伴食黃堂六學士登方岳一漁翁向滄浪

省墓錄

初發洪州

堆案文書暫撥忙
望中鄉路引騶長
破車雲作終朝颺
練帶谿回幾曲腸
山下金燒飛暗燼
浦邊帆隱露高檣
故人正做樓船將
煩惱旌麾遠予將

柳子淵水使出
錢保寧故云

藍浦途中二絕

旭日滄涼破曉陰
淡烟墟落樹森森
漁人撒網依蘆葦
艇閣潮頭幾許深
別到無詩簿領侵
眼中有景亦難吟
正搜佳句忽圓了
霧裡歸鴻落遠音

發藍浦

浦樹青青不似秋
瘴氛和霧午難收
翠簾倚郭軒霞表
漲海環山吐蚌州
九月風霜欺客鬢
十年行役弊貂裘
老來作吏終何補
猿鶴空貽舊隱羞

贈沃清李水使公瑞二絕

李方
謫居

穿楊貫蝨如難當射賊曾無一矢入舊慣射鵰今射鴈莫教空泣髮毛霜
誰憐飛將誤封侯正坐高才與命仇夜獵不愁逢醉尉明年起廢去防秋

次與德培風軒韻

巧曆何能數衆峰試開昏膜通淒風山根半入洪濤裏石骨高撐積氣中
聞道雪霜留太始祗今融結想鴻濛相期瑤草動收拾小坐萃軒意已通
家分雲大構小亭於城隅其敞豁殆過培風請名於余名之曰益高

而係以詩

附伯氏舍
弟酬韻

為政從君可反隅小亭心匠極規模潮頭賈舶晴依約烟裏漁燈夜有無
聲價自應須健筆品題何用強迂儒明朝悵別詩山去回首風沙隔冥途
到詩山用培風韻却寄雲夫

華館回瞻最上峰別來荆樹悴霜風長途合眼行三舍惡抱逢人酒一中
雖思已氣山黛遠征袍猶襲海氛濛今宵剪燭拚夷飲恨不同君大道通

藏春堂夜話贈尹亨仲五絕

藏春堂名仁宋

廉纖帶得溪邊雨，窈窕來尋谷裏村。
摠為相逢吾石友，向來懷抱與深論。

清流碧玉繞朱門，鈿砌微霜菊正繁。
解道藏春誰得管，却教嬌客在華軒。

騎省霜毛滿鏡中，平生寵辱覺俱空。
老年羈宦終安稅，深愧忘機海上翁。

尹居海南故云

橘中之樂似商山，仙境移居杖屨間。
甕裡釀成真秘法，遠分春色換衰顏。

尹號橘亭

酒醒香送客還淹，細雨霏霏透畫簾。
明發分携又何許，亂山遮眼月鉤纖。

寄題藏春堂二首

試問華堂有底藏，百年難老是韶陽。
滿園花竹栽培古，一榻琴書趣味長。
事外遊心元有地，醉中收跡即為鄉。
當初刀老流聲遠，能貯金釵十二行。
困須獨樂場，藏春杖屨相羊日。
幾巡花開鶯歌長，駐景酒闌碁散慣留賓。

忘名已任成遺落晦跡初非學隱淪却羨壺中真境在勞生無地可藏身
雲峰途中冒雨奉別伯氏馬上口占二首

白髮蒼顏是弟兄等年歧路最傷情山牽遠別供愁色水作分流咽恨聲
失侶鶻鴒鳴夜雨割根荆樹悴山城天涯已苦驚心數今夜離魂十倍驚
衰年不復嗅殷兄隨處淹人酒有情萬里形神傷遠道一番風雨作離聲
窮陰鼎鼎初交律落木蕭蕭亂入城舞劍悲歌看斗柄五更難哭僕夫驚
山陰途中

羸馬踏殘月霜華滿客衣川光增曉氣峰雪眩朝暉
度開盡面人行展障園山陰千古地才盡又閑歸

應接神忘倦冥搜力返微買山憐計在持祿愧心違
狼牙衝灘起驚鳥霧飛懷哉聽琴子堂是惜人非
止反姜宗子等堂於斯名以聽琴故云

大風雪後對楞伽山呈崔監司介之

巨象狂飈萬竅號向來風伯亦云饕餮楞伽黛色高千丈一夜群峰盡糝
趙御史公紀欲借寓湖陰書屋臨發戲寄一律

湖陰魚鳥定應稀旣駭銅章又繡衣勝地於人元有債勞生此去幾時歸
江雲冉冉籠書幌沙雨蕭蕭暗釣磯共乞殘骸酬晚計莫教心事兩相違
夜宿四美亭主人索題甚苛用進退格為近體詩三首以塞其勤

文候嗜好背時宜卜得菟裘早息機賈勇期門名甚籍效能乘障數終奇
山樽釀秫常看滿溪筍承魚屢獲肥四美誰人爭子所百年游息寄於斯
負賞清秋不恨遲我來剛及剝陽時炎官已罷高張傘玉兔還丁俯釣磯
燭剪西牕非舊跋歌傳北里是新詞明須一曲千回坐只恐山禽苦勸歸
鄉隣追送未應違共識君家置驛奇夜靜琴堂增窈窕酒闌喧瀨轉依稀
青藜白飯勤相餽醉舞狂歌總不知莫把驪駒重載道老年多感易沾衣

過長峴二絕

三嘉地極高險

石角縱橫線路通，亂藤荒篠共冥濛。
躋攀尺五天垂頂，積皴微茫眼底空。
剽風吹雪犯重貂，貪看群山遠拱朝。
不覺寒肌生粟遍，一瓢山酒若為消。

薩川道中四絕

百八危途百折川，蒼松蕭瑟夕陽邊。
山中奇事有今日，驢背吟詩失醉眠。
溪橋過雨沾芒屨，蘿逕殘霏墊角巾。
誰識倦游兼勝踐，他時誇與未來人。
山郵薄暮到來時，鴉背黃金樹底移。
急藝松明尋去路，不愁沉景迫崦嵫。
蟲官元不繫安危，路上光陰種髮絲。
無奈玄真別笑我，寸心輸與白端知。

朝天錄

發京日山書篋戲題

失却書囊任僕癡，平生長物只吟詩。
從今廢課都無事，始信山書亦一奇。

天壽亭五絕

林外提壺供酒勸，門前飛絮待人歸。
舊時冠蓋銷魂地，秋草寒松客過稀。

秋草寒松客過稀偶逢持餉勞驂駢無巡
亂酌寔賓徒取醉都忘十里歸
取醉都忘十里歸暮山如戟尚旁圍
少年訪古經行地人物于今幾是非
人物于今幾是非城池蕪沒認依稀
一生行役能多少卅載重攜白髮歸
卅載重攜白髮歸秋風故國賸沾衣
無情逝水城東路華表依然鶴獨歸

高麗故宮二首

輟得嚴程辦勝游故宮衰草正逢秋
經營始啓無前業覆敗終貽有國羞
龍岫晚雲欺落日鳳城殘堞繚荒丘
定知殷鑒留宸賞益鞏鴻圖罄飭
修

四座賓朋本不期征途終宴惜分離
松聲細和高絃奏谷響遙應一笛吹
同事飲水初共厲異鄉聞樂亦堪悲
驪駒晚晚催行李回首崧山夕靄時

金郊次張黃門韻

甯漢仙梯豈易攀塵埃波浪卅年間
收身自合消長徃許國誰能博寸閒

歲月無情行裡度鄉山有路夢中還
遠游宿債終須償不恨羈蹤隔路
蒼秀山用南峯徐侍讀韻

群山巖巖水舒舒秋著林壑物象癯
昔日仙曹聊寓賞至今勝地未全孤
雨淋石面多漫字龜老苔花半食
跌安得正平看一過不勞尋本為
重摹
龍泉途中夜行

夕雲已合鳥皆棲沉景三竿了
向低高角警昏山響答短亭藏樹
路歧迷
一生壯志羞牛後半歲流光屬馬
蹄衝斗有凶誰解斲且尋孤館續
前題
阻雨洞仙追用唐太史劍水韻

衰遲何意動星輶萬里辭家不作
遙行比稱鄉安食力才非喻蜀敢
題橋
連山雨暗行程滯落木風高別酒
消尚喜軒輊面勢一龕形勝共來
朝
齊安館夜坐示同行柳沅

留滯齊安館高秋值全辰沉沉夜
參半故故月窺人喜接潛夫論慚
無桃

葉因吾行不牢落勝士動聯茵

追詠十五日夜坐用唐太史韻

梧梢露泫復烟斜
午夜盈盈桂吐華
林外號山無警鹿
塔頭落樹有驚鴉
真游天柱秋逢雨
靈境銀河斗犯槎
達曙可容雲物妬
獨留殘影闥明霞

寄蔡監司并序

荷兩日辱慰會合方殷遽爾睽離情不自勝謹輟短律四首錄奉
博笑仍寓展謝之意云

醉盡黃崗酒星輶載道遲
平郊勻赤埴遠畝列修眉
聚散那堪玩歡娛不
可追憑將今夜月分照兩相思

夏官同逋宋賓館共分司嗜好酸醎一榮枯出處歧襟懷元莫逆會合本
非期見跋連宵飲深情各自知

細馬關街載繁花
壓髻香情無衰境
薄醉發少年狂
夾道從觀聳犀裾
忍

別忙烏蠻寒夜永應復憶逢場

久矣無佳夢空煩朝暮人冷灰吹不焰
沾絮起無因絳蠟挑成淚玄霜搗
隔塵只應懷謝悵來歲再三陳

生陽館用王黃門韻

隔歲光陰算去來賴逢翠館與襟開
佳辰謾老陶潛菊樂事難追宋武臺
腰自減圍移帶眼酒從生渴覓梨
臍令人終憶湘陰曲瘦竹新除一
逕苔

練光亭

萬象供奇集座隅天公餉我百年
無輕雷忽送風和雨更借營丘
水墨圖

大同館

五宿西都館昏昏泥宿醒登臨多
勝賞歌舞少閒情蘇小柳藏屋
石頭潮打城向來裙屐地撫跡
幾沾纓

題普通院

西行遙邁北來迂，恨水橫分大小殊。
萬古眞都離別苦，二流如帶與之俱。
安定館用王黃門韻

慘于烟林已晚鴉，離亭西路少人家。
薄陰翳翳披霞綺，殘醉騰騰眩眼花。
萬里羈將煩驛騎，一番候卒鬧官衙。
歸期獻歲寒猶劇，砌下金鉤草未芽。
甫寧館有懷潘監司公父用邴郎中韻

長天鶻沒新霞陰，徙倚華譙思不禁。
慷慨已增遲暮感，登臨無柰別離心。
身同北雁賓燕路，事異南冠動越吟。
回首舊游權緒絕，一眉晴綠掃遙岑。
題安興新館

李侯眞穎脫妙手，在難調乘障臨邊劇。
分符得郡凋蒞官，憂所急興替領。
其要拓地寬方里，開軒迥出霄平臨。
帶川繞俯受衆山，朝騎氣遺行履驂。
鸞到沈瀟細，簾流皓月珍簾散。
清颺宴衎頻投轄，笙歌或度宵深沉。
僊燕寢洞豁甫賓僚役，旣懽趨就功非善。
頌昭賀成同燕雀，摘翰代民謠。

嘉平館用唐太史韻

二紀重經此侵宵偶稅驂和詩同踏跡警語愧青藍仰極心猶北思家地
更南羗虎應念返卷箔候春蠶

納清亭用前人韻

夾路皆高柳蒼髯復幾林堂成仙已遠地勝賞難孤世事同歸貉人情孰
辨烏只應壚畔醉意緒不能漁

新安館偶書

酒病惜惜日日生新安信宿強淹程綺羅叢裡元無興歌舞筵中亦少情
遼鶴獨來尋舊改劉郎重到看花驚通宵不寐睡如糝懷抱從誰得細傾
雲興館與同行李官話徐侍讀故事仍用其韻

詔使風流李髯晚生猶得起遐瞻行空天馬元飛武發砥干將豈見尖
玉節遙知臨媚景風花正想亂晴簷貪看唾玉忘形穢不覺嚴程半日淹

林畔館用董侍講韻

飄飄紅葉點衣飛馬首寒鴉閃落暉蕭瑟平蕪連海遠逶迤修道過人稀
岵嶢候館飛丹楹燦爛籠燈引畫扉賴有主人營稚舊夜深供宴勞將歸
車輦館見盤松依舊有感

十五年前過此時五鬣六花光陸離而今秋晚值行李張傘炎官岩谷彌
情境依然人事異令人信有雍門悲盤虬根到九泉直更問蟄龍知不知
良策館用張舍人韻

頻宵歸夢協連環默數行程兩月間繫悶已饒閑內水剗愁將折海邊山
鄉心未放長凝望旅病因教暫得間曷不留詩酬歲月明年春淺早須還
九龍淵二首

龍淵落帽作佳辰未減征西座上賓祗是風江平不得明朝離恨已相因
疎慵何意值昌辰多愧浮名是實賓枉把詩篇投異眼夜光真箇駭無因

邇來不敢作詩頻蒙嘲謔僕豈執虛讓者此古人所謂詩句對君難出手公自知之謹奉三律求教

前批鸞臺舊傍珠鴈塞今飲水虞叅命食葉見清心蘭室知香襲蚊山愧力任雷門持布鼓安敢語相侵

孔李通家遠雷陳托契牢賓筵居最右年紀序偏高作別懷空惡當歡首屢搔共分千里月撫景獨含毫

落帽岡頭卧逃筵閣裡過詩成授簡數醉吐汚茵多脫畧風流甚遺忘禮數竒似公相待少懷惠欲如何

將渡江謾錄五絕呈希中使君魚奉同行諸公

寒草連天塞日沉離歌均惱去留心向來制淚吾差熟今日當筵自不禁
回望龍灣是故鄉一旬休暇醉淋浪賓鴻不阻遼天遠別後丁寧寄和章
身魚節制鎮邊城畧畧旁敷警虜庭非久承明當赴召回轅那得眼俱

青

詩到龍灣難出手聲金振玉自魚雙非才攀和同驢磨吐款雌聲已豎降
默數逢迎在歲除歸來煩費復何如詩材準備非公事只問官厨臘酒醺

連山逆旅

連山把截雨連山萬斛羈愁不可刪馬斃枯糞和夢聽鼠偷殘粟背燈看
衰年許國從身遠暮歲思鄉益髮斑古戍荒榛懷董語古人離別亦曾艱

登望京樓周覽遼城寄潘監司公文

天欄平原粉堞長山河鍾異控遼陽蚺形蠹地填華屋塔勢干霄認寶坊
石礧中割仙鶴遠冷風高御麗譙涼分明物色公陳跡剪燭何時討錦囊
是日謁學宮又到定遼後倉訪莘表柱只有石礧中劈乃舊物莘表卸後
人所堅紀事于短碼後面有來鶴軒多詩板晚登八角樓流覽山河有不
勝懷古之意
樓一名望京

答于宗文示韻

海陽先生文集卷之三

肅將 君命載長途下館高人不待呼蛙坎久懷觀海大天池方信有鵬

圖披雲愧闕芳尊供詠雪先蒙白戰模簿劣終非英奴輩歸來何敢慢閑

需宋文古益人以舉人仕
為定遠參軍有事于館

附元韻

雪中勞尊酒下慰胡說錄見謝私非敢言詩也伏惟賡教

振古斯文摠一途故勞尊酒謾招呼百年禮樂歸元化一統車書共版

圖吳越地連山海秀衣冠芳行漢唐模平生仰止今堪慰白眼無全嘆

稟儒

再答于宗文

編帶無金筭價賒多承重惠溢吾涯韻回繫鉢驚萃敏痊却風頭足賞嗟

親日已煩祛眼膜明心不復眩孟蛇動渠提獎慚無有只是斯文本一家

附元韻

賡珠見教感愛寔多冗劇不能推敲草草奉復聊爾代謝餘惟旋
駕請益

嶺海雲山去路賒忍堪飛雪滿天涯桃投敢望瓊瑤報李若誰能道左
嗟宿衛夜寒嚴虎豹詞源春盡迅龍蛇窮途傾蓋勞相慰好竭涓埃答
大家

三汊河

金元史裡識遼河噉命如今喜得過珠袋同流源委壯東西分域戰爭
多濤連巨舫平通陸潮擁殘冰迸上沱香火娘祠祈利涉寧知寰海不揚
波

河

即遼水

東為遼左

西是遼西

珠子袋子二河合流

并河為三

汊列大艦為浮橋

河左有天妃娘娘之廟

蓋水神

勅封有碑

廣寧

城東有東岳廟極宏侈

正閭峻表橫天壁雄鎮金湯亦壯哉拱塞防秋皆勁卒乘時制閫盡英才
歌鍾俠窟資群動金碧神祠煥一隈老墮觀周無意緒領要隨處負詩材

廣寧教場

即開武之所
揚威門名

晚出揚威過教場平沙細草極茫茫馬垣周匝寬千步石絕縱橫表幾行
稽法詰戎非遠算乘秋耀武亦修常只應玩寇兵家忌操練須存謹圍疆

十三山

峯有十三
山故名

醫閭千萬峯將斷更有十三山劍鏃我行要近長安日不是望鄉那割腸

大凌河途中五絕

刮面酸風沙眯目透簑凍雨水勝船向來下澤真知分不待壺頭怕點齋

舊皆徒涉適水深使
船是日大風驟雨

凌河之水不濡箱車閣沙堆似轉方數餉留驂沉短景前頭不覺暝烟蒼

車閣水中用數
十牛不能挽

誰鎮河神孽堵高累埽為級尚堅牢黃頭強解經營日猶道唐皇著戰袍

河上有戰塔舟人言
唐太宗征遼時營立

捲旗韜鎧戒徒駟抹額紅巾驪屬裘整隊過河寧少誤繡衣使者馬如流

廣寧都

御史王獻遷官

管得嚴程不暫遲魚旬薄食不重炊陽雖已剝行應復魄死旁時及賀儀

八

小凌河遇雪用唐太史韻

弊裘衝雪更嚴風霧色輝明八望空破賊功高心獨許聳肩吟苦句還工
才慳體物懷騷客債有閑身憶酒翁三白已占前臘效遠臣應綴賀班中

杏山

雞欲棲時到杏山雪泥沾濕駭人看鋪官略候皇華至不許如歸關館閑

以候都憲修除館

早發杏山

共打晨裝踏雪行宿雲界日震方明繚牆近隔華夷界去路遙通山海城

兔窟正愁逢獵騎狼烟已斷報邊聲向來孤矢真償債管得燕山萬里程

連山

避却都爺候館南觀音寺裡少停驂偶回渴夢生喉燥僧梳清茶一味甘

有僧
餉茶

心懸北極倍程馳半百泥途趁早時却是郵官非借使塔山催馬到來遲

適無馬假
旁鎮以給

自連山夜行過寧遠衛抵曹庄

二更傳戍鼓已墮月鉤纖暗水唯聞咽高山未辨尖怯風頻攬柁呵凍屢

拈髯就館誰相問疎星耿破簷

沙河鹽場

鹽戶甚多適西地
皆資用于此云

乍向微茫極海門鎔金浸宇日車翻蜂房列竈幾場戶盡是熬鹽天為昏
有途輾轉交加蘆箔盤已闊幾過鹹倉散供遼左右不知天府在沙河

東閔解夢效李義山

了然歸去復歸來
譙鼓催和曉角哀
形接形開終底物
謾教腸日九回回
東關田秀才惠饌
戲使荆州田家故事書一絕

葱芽薤本蠶團俱珍重
田郎送客厨萬卷藏書堪借讀
不知還有國香無

秀才名有龍

信宿東閔

黃梁再熟滯孤城
彈鋏無人識我名
未有詩篇充橐寶
還多愁緒觸心兵
半簷纖月欺燈影
五夜流風遞漏聲
胸次百年元磊塊
邇來無酒轉難平

沙河戲書

曾識沙河蘇子詩
佳名候館偶同規
舞魚垂手花魚處
十里春光屬阿誰
高巖途中

旁眺稽天浸回看拔地山
關城行漸近風氣不炙寒
薊樹心懸柳灣河夢

繞千幾時 天日表延望五雲端

前屯衛

吾與仲遠
獨由城裡

重城隱隱據通衢人物樓臺別一壘未必疾行能辦此雪梨供嚼渴喉蘇

無題效李義山

瑩白凝丹畫不成瑤墀整履步輕盈魂來未薦陽臺夢笑罷還傾下蔡城
腰瘦六銖裁得窄指纖孤管捻回清鴛機織就回文錦好好封題寄玉京

過杏林所

胡山巉巖塞雲黃縱蹇行吟不作北勝狀有餘增遠思殘年無幾泥殊方
深溝繞壘臺高峙古堞臨河樹老蒼領畧欠詩真漫過只饒雙髮染邊霜

望夫石

見說山頭女望夫精誠化石肖形軀武昌風雨留真跡遼海荒言却近誣

自高嶺將八閔示同行

連退格

拂曉尖風欺敗絮海氛籠日曉來遲雲應釀雪先分暝寒欲窮陰始逞威
鷄狗盜關非俠客榜航重譯效邦儀唯當共勵完辭命快活投繯未臘歸

八里站途中

倦馬休鞭策尋詩免浪過邊頭臨海盡山色近關多問禁心雖劫逢人語
本訛不知吳季子觀感意如何

山海關

天設金湯險關門拂曉開橐駝多虎豹環衛肅興臺點閱姦應屏譏征吏
不猜分司供茗飲聊慰遠臣來

需菴餘故宅埋沒草苔垣圖籍今遺幾龍蛇已莫存兒生賢不象身退事
終屯忍聽隣人笛臨衢為式門需菴蕭顯號

城橋步月

雲葉流清月車塵息開聲千尋臨濬塹百雉對高城譙鼓時時急村燈皎

曉明只應川路廣凝望若為情

效李義山

有恨頻挑錦漁心更闌粧空多神女夢却欠小姑郎紫塞傳書遠班驢去
路長翠衾虛夜夜羞殺繡鴛鴦

城中酒店

青幔家家出畫樓清香誇羨颭壚頭憑誰與得如刀酒斲盡西來幾日愁
昌黎縣

風緒揚沙咫尺迷眼明華扁有昌黎超尋絕學配山斗不知自出遼海西
榆関戲書

東関山海復榆関透得三関尚阻艱更有居庸城帝里何時疊翠對孃顏
榆関晚發抵撫寧用唐太史韻

日長騰裝猶託路客程搔屑敢求安已從豪氣三分減更柰腰圍一寸寬

嚴命未交還內熱畏途雖過轉心寒匣中尺水時磨洗衝斗無人也解看

撫寧縣

城外有娘廟山上有韓湘彈琵琶臺

發揮形勢孰居多聚樹嬰城柳帶河娘廟辨香資法供仙臺遺局爛樵柯
花飛不盡依依恨寶剎徒聞纂纂歌
蘆峰十五夜步月有懷龍灣閔使君希中

十月灤河上停雲午夜天人猶行裡住月復別時圓詩律憑陵就醜等爛
熳傳幾時歡緒續交誦黯然篇

永平府

喧然一都會表裡擁城池控引神京勢連延左輔支整斜通巷陌高下真
隍隄開道車相擊群行枉作雅綺羅紛掩翳樓閣煥參差
岑展似眉蘆龍殘塞遠孤守古城危臺想非熊隱微餘叩馬飢醒瞢論戰
伐宰割化藩維既底還休教終天仰正基
蘆龍縣在府城中孤山有大灤河迤東太公釣魚臺在山南

河上流數里許西山夷
齊廟又在道西四五里

七家嶺多詩板皆持憲諸公野為謾步其韻以寓艷慕之意云

遼海塵沙兩月程偶來華館喜神清詞宗多繡留詩遍武庫戈矛閱刃橫
萬里風雲資壯畧一生葵藿拱深情東韓使者懸行橐攫取驪珠奪目驚

七家嶺早發

鮮濕平看局霜華眩日華樹遙如薺短山近訝屏遮乘北行慚漢編謠
帶已佻諧聊遣悶捧腹一場譁是日乘馬

榛子店

稅驂榛店前頭路打具唐家後面堂破費茶甌供底事日斜消得問程忙
七家途中初見柿子

仙果元無七絕珍嚼來靈夜齒生津燕山惻得頽虬吟絕勝湖陰飲食新

燒香的

建旆鳴鑼作隊驅額間紅紙貼靈符報知東岳燒香去未必明神護俗愚
豐閏縣城中記所見三絕

城北撫寧差小面貨方平府較多堆隔晨再踏南譙路誰識非生客子來
關帝廟設官民共豐縣修崇覺最新龕玉十層成寶塔塑泥三丈幻金身
寶馬開裝飄勒響青衣繡袴露鞋彎雲屏冉冉隨風去只許踈簾見一斑
棧店路上有標致為仲遠戲占一絕

未曉幽香忽謾得寒梅索笑野橋邊誰知冰雪姑山子惱殺茅家大小仙
王田城中記所見

見說仙家種玉田城東的有一壺天休言倚市無傾國試覓簾間喚水仙
王田城外見燒草拾稗子

北歲燕山聞稍稔場功隨處報陳陳城中帛米周屠販乃有寒飢拾稗人
王田縣四絕

王田城裏晚穿街珠翠續紛處處皆絲旆颺風開酒肆粉牆當道豎門牌
替却禪宮化學宮丁夫畢力助修功漸知異教歸儒教賤質于今贊化公

寺作學
宮金碧絢耀

冬暉汲汲事晨征借得飛黃驀去程蓬勃風埃八十里日亭來稅薊州城
平津門裏逢僧去獨樂寮中犯雪塵老宿招邀供軟話蒼蠅蚋蠹咽茶餅

寺在薊州南門
外獨樂寺

薊州

負岳襟江拱帝畿薊門烟樹尚依微猪龍遺臭終千古蜀檣蒙塵想六飛
形勢幾番資躍馬風塵一代靖戎衣邊城奠枕如今少俠窟輕裘但策肥

三河縣二絕

城內寶塔翠雲長下級猶臨去鳥翔定是琳宮龍象護惟無神力救銷亡
東郭南街散馬珂畫橋還渡草河波受辛幼婦何時碣暗索無由一讀過

三河早發

打包更箭尚傳譙行近神京馬亦驕木稼滿郊愁見曉河膠斷渡喜逢橋
威儀冠日欣瞻漢夢寐頻宵苦渡遼歷聘豈方蘇季子只修邦命期天標

通州

神都從古襟喉地繁庶如今孰與加遼薊關防朝拱壯荆吳枕軸委輸多
朱樓隔箔看粧面青旆當壚認酒家穿市歸來烟景媚最難忘處是官河

官河即潞河是
夕宿河上人家

晚出通州城

疊閣層簷擁道周香生餅酒簇行騶鼓捷千點修秦晉場囀三絃聚面頭
車躍街塵能作霧水通城閘可方舟暗游却笑千金子不惜壚間醉典裘

舊家細采用綿羊毛抹香毛前導縱擊画鼓
十餘面酒店前表子群集彈三絃子作場

初入北京

皇居氣象偏知異蒼翠常浮萬歲山華蓋共瞻天帝座清都元隔軟塵寰
茫茫人海流車馬井井官街畫闌闌領畧也饒方寸在只應蛙坎若為顏

見朝是日朝

五更靴滿午門霜擬躡仙班仰穆光管裡固知難覩大葵心元不異傾陽
雞人罷報宮鴉亂虎士虛陳輦路長揭額謝靈光祿供几闌如海正茫茫

朝謁是日謁

地底潛陽欲動仄璇標貞月曉參催佩隨仗下旋班急臚出螭頭贊曆開
仙樂緩和清蹕闌袞袍高擁異香回吁嵩却殿緇黃退簪履聲為一道雷

我國使臣班在僧官道士後

朝天宮宮前牌樓榜曰蓬萊真境

蓬萊只隔軟紅間兩緋仙班愧骨頑諸殿深嚴真像肖三清迢遞羽人還
風杉送籟塵襟醒靈籙翻詮道眼間回首禁城參氣像廣寒樓迥冠鰲山

會同館 賜下馬宴

左璫 皇命肅將宣宗伯嘉承始秩筵有踐豆籩賓亦忝無愆禮教主能全明時自覺倡優拙盛意非因鍾鼓傳只是鴻恩無以報華嵩長效五雲邊

冬至祀天

都南萬玉助精禋長至郊天綢繆新祠殿深嚴迎法駕恭壇崇潔隔鉤陳
蠲將牲璧叅神降格彼玄虛受貺臻肅事回鑒知眷悅書雲不用進中宸
慶成宴

懷長虔杞慶俱成侍宴還承上殿榮 日表佇瞻初步却仙班叨踈亦魂
驚殷蒸絡繹天厨供金石錯洋法部聲蟻蟲寧知霑醉飽瑤臺一夢冠三
生

滯留

滯留多火日長至過逾旬釀雪寒侵幌徂年臘近春歸心遼左路旅況玉
河晨舉目誰相伴轉教僮僕親

不寐

四千里外觀周喬十二時中戀主深將命敢期憑寸舌飲冰端不負初

心經旬卧病塵侵屨隔月思歸雪滿簪非久皇恩教首路臘天猶及伴

鄉音

上馬宴

太監高忠再來押筵尚書夏公
風采端凝不無別後之想云

再需恩錫多儀享押與筵頭舊貴人已聽擬金聲滿耳又承宣勸醉淋

身清瀟也自懸汚水四海還知共一春他日卧遊心眼在夢中來往本何

因

歷代帝王廟

今宏後殿東有御製碑
皇帝所營規制極

演禮朝天兩過門佇瞻神彩絢朝曦祀從聖祖修來遠制到明時禮益尊

聯廡勲庸環配食貞珉奎藻煥皇言虛無崇奉殫民力徃代規為不足論

朝謁免朝

宮鴉欲動曙光開五鳳樓前放仗回枉費太官羞供了三條街裡緩歸來

國子監

袞袍華冕望真形以粟如今委素靈道脉流傳三氏貫人文昭晰百王刑
岐陽片石羅階地東岱晴光落戶庭更就九齋看聖諭諸生何不式丁

寧

廟宇悉重修塑象皆易木主
臨幸難問經義勅諭諸生甚諄切
帝屢

海印寺鏡光閣二首

玉河淨瀦似無津層閣雲梯晚跨身法供初看椰子釘琅函重檢竺書陳
迴寢繚繞三條路俯視冥茫一片塵却愧胡僧禪縛熟去蓬難駐閑征人
從來圓鏡可降魔古殿初開竦髮華佛髻僧眉光洞徹珠幢寶蓋影橫斜
磨磚取喻功何累頓悟明心瑩可誇珍重遠公能會旨但供魚菜飲沝霞

與序班夏君麟小酌閣前任僧
亦來共飲饋菜蔬三種極美

旅況示同行

轉蓬遠渡桑乾水彈缺空淹市駭臺續絮無溫生蟻蟲推擠不去尚遲回
候莫幾閨三旬過測線曾添七日來吾輩可能忘在莒百年懷抱莫相猜
發北京

賁廩五旬零一日打裝三宿出重城衣冠盡化東華土閑塞初回北去程
瑞霽半籠雙闕聳盡橋高跨一川橫兩都賦手吾無有幾款鋪張未稍情
來月過通州城中三絕

通衢隨處爛燈光羅綺喧喧認暗香疊鼓未傳催騎過河水如練月如霜
河邊日出東梳櫓船上玲瓏闢畫堂安得隨流吳楚去登臨樓閣暮春光
張灣自昔舟車會佳麗而今海內稀却愛嚴程孤勝賞誰當一就典春衣
薊州獨樂寺觀音閣

眼力從來勞脚力不辭迂道問禪行
迥攀卧佛千尋閣流眺止胡一片城
兵火向來餘故壘鋤犂今復遍春耕
奚囊莫攬無窮狀消得前頭數去程
別山店関王廟後有小寺多詩板
廬侍御雍唐修撰臯所題最為警

策謨步其韻

處世元非繫重輕賀儀聊忝使臣行
歸途忽忽衝殘臘旅思搖搖劇颺旌
筆到繡衣推勁健詩從太史愛新清
逢僧語軟仍雙絕且置東韓兩月程
七家嶺夜坐有感

隔月來尋舊日程羅幃珍簾有餘清
夜煖燈爐頻頻落坐久爐烟竄薄橫
久狎漁樵真有債儻來軒冕本無情
掛冠神武春來事投壁何勞按劍驚

榆関用前人韻

黃榆関舊漫留名果有將軍似北平
雪淨胡山嚴武塞春浮城柳亞夫營
庄家未阻壺漿乞虜聚何煩問謀行
為問禁中頻牧在畢誠元不解談兵

夢尚書夏公

皇家人物衣冠數一角祥麟冠四靈義獻筆鋒推獨到班揚賦手擅高名
南曹元禮歸時論宮保承恩地極星黃鶴壤中知自別魂交猶得覩分明

山海關

漲塵微雪馬嘶蹟三百嫵遲不受催餞歲已供懷土裡打春剛及出關來
搗椒醢覺餘辛在噉蔗應須晚味回刪得舊題成一集他年留與閱時開
沙河夢林修撰大欽浙江人辰狀元

名標片玉宮簪筆冠履彬彬氣袞然茶話未闌殘夢漸遠雞三叫漏頻傳
紅螺山

紅螺山色望非生霞表依然雪嶽明往返恰消三箇月管將迎送太多情

東關抵連山寒甚

海風尖利透重裘指直拈鞭不自由忽憶牛衣有餘煖計程空復女兒愁

十三山

拜闕衣冠集辭年鼓笛譁殊方有如此吾俗豈應還歸路趁遼水征鞍犯
塞沙委身輕過鄧邯得念回家

廣寧除夜

去日玄冬陽始剝歸途除夜漏還催臘隨赴壑蛇俱去春逐貞杓斗共回
旅榻衾裯寒可怕晨厨刀匕清堪哈猶憑壯志排年紀一任新正鼎鼎來

觀獐子

鹿裘纔掩髀毛頂太黏肩自說休糧久從人要割鮮
舞回如應鄧歌緩不分腔最怕生獐態彎弧擬劍撞

歲朝出城記所見

晴衢紅旆颭微風寶馬香車處處同更有游娃矜打扮燒魔共向岳祠中
沙嶺途中

十四年正修賀至二千里路打歸時虛彈作客憑郎缺盡弊還家李子衣
雪罷胡山遙掃黛春生遼水暗流漸直將飢渴論行色誰道身先去鳥飛
孤竹城

荒林殘壘英齊國形勢依然據一隅臘盡河水着欲渙烟銷野市望還無
高名耿耿輝青簡大節堂堂激懦夫遺廟未供香一瓣白頭歧路重踟躕

開州城

群蠻割立周匝如城郭類天設具險金遼孽嘗據此云

雲表遙岑呈筆格行人指點是開州遙從教舍崎嶇至驚見群峰匝
殘寇昔聞資竄穴遠籌今復控邊頭吾寧鏖嶂尤真宰且挖新詩記壯遊
回到遼東

解道并州是故鄉遼陽初到喜如狂家書開闔悲懼劇歲序推遷感嘆長
春淺溪楊綠弄色雪殘坡草未回芳憑高回首丁仙郭爭得修形閱代狂
過江次義州

去傍清秋暮來徒獻歲新贖嘗念醋苦猶有桂椒辛裘馬叅殊製形軀訝
別人燭邊仍見蝎相對却非真

車輦道中

肩輿已春困合眼睡骨騰漸掃群山黛金消一壑水漁樵懷孟野蘋藻動
鍾陵歸興翻飛極聊尋候館曾

重過東林城

東林古堞問無憑只把經由討我曾野燒已侵埋徑草暝雲還覆隔溪藤
餘寒未解猶披絮新亭特分屬點燈回首山中清淨界白頭奔走愧高僧

新安日錄

奉調安分

嚴命祇將共飲冰每徒雞叫戒晨興修辭敢贊行人闕摘藻多慚作者能
囊底叩殘無寸智擔頭挑荷似孤僧知君勁敵猶堪辦賈勇先期逞一登

浮碧樓次安分韻

畸人不是地行仙萬事休休只任天景物依依雙眼裏江山鬱鬱一樽前
麒麟圖像真疎矣魚鳥參行本偶然莫能留連持勝踐行裾隨處動遭牽

題梨花亭

漫從官道問亭名正坐窮冬欠賞情迥輒雲烟供席次俯收平遠入簾旌
破慳地勝知人待體物謀長見政成可惜不當春夜暖萬株堆雪月分明

用亭韻述懷錄奉求教

與君投老誤浮名較得殘年作客情已任頭顱歌病鶴更堪心緒亂風旌
孤吟屢閱詩難就遠夢頻驚睡不成自古衆人念行役定知蓬首疾痕明

用示韻寄時叔

曾從水驛識高名又向河陽吐舊情軟語不知收燭跋卽降還復卷心旌
羅看見鸞鷺儀備下榻相迎愧禮成此夜銷魂空悵憶亂山啣月半簾明

戲集古句奉調安分先生

愁對寒雲雪滿山故園東望路漫漫平生文字為吾累長擬求閒未得閒

復疊前韵

一片孤城萬仞山舊題塵壁字應漫書生身世今如此九日驅馳一日閒
有懷錄呈安分

低垂斗帳夜沉沉獨臥悠悠萬里心供世多虞憂謗至還家有夢被寒侵
少年及事傷超猛老眼着書誤著淫散質不逢夫子賞為誰辛苦奏南音

肅川途中

連日凝陰稍解嚴馬蹄時見雪泥黏將身作宦從衰疾到處逢場了速淹
殘日吐吞雲葉駁暮風尖利絮袍添歸期屬耳無多遠簷尹何勞為我占

百祥樓

斤斧聲初斷雲梯偃入空剽風來壙垠斜日倒冲融已益因人勝還多體

物工天仙非久過增歸報奇功

有感

夢見曹梅齋

臘盡寒猶峭鄉遙受亦勞窓風欺幔薄簷月礙樓高淪謫三遷遠風騷一代豪何因遽棚裏款款杼櫟桮

回文五七言四絕

淹日幾多君訪我冷雲朝襯雪峰晴簷紅透日初殘夢歷歷聞鷄報遠城寒燈一夜頻尋夢遠路迷魂警屢醒單被卧盤雙脚冷疊山河隔幾長亭風雪交闌夜遠思縈寸腸東牕聽雞叫歲暮增悲傷

寒日升嶺短宿雲崖樹接殘年惜蛇整久客猶征西

夜來懷甚作惡秉燭口號謾錄求教

歲暮征西路寒蟾再缺圓沉憂無與遣佳句倩誰傳設醴雖優老羅蓋實費錢只應脂返輅歸棧共飄然

熏沐思蘭室，研窮得雉膏。古人心共艷，世味看重搔。對景忙搜句，衝寒愛索袍。使君時送酒，真箇斷愁刀。

醉後歌

君不見千金學屠世，用難三年刻楮天。機彈人生為藝，不要元褒博只作書生酸。老夫志學抱獲落，不種偶獲縻人爵。熏天謗來坐無妄，曾不衛足慚葵萼。江南舊隱湫烟水，簑笠擬學玄真子。浮名浮利付鷄肋，樂死無悶終不起。都廁謫謫，玉皇憐徵書敦迫。薛林泉紫雲樓下，奏薄技紆金拖朱。思何偏京尹華秩視，亞卿雀鼠案頭恒堆盈。前星頒慶來詔使，謬膺朝薦充奉迎。瀝懇苦辭傻回，天未免殷儆。同周旋，安能角勝一戰霸。飲冰未覺中熱燭，星馱不暇念飢渴。庶不忝，命酬簡拔封人誤。報事稍延得與西伯叙，間闕絳蠟見跋。大同眠紅粧，作陣浮碧筵。窮懽三日不知疲，翻然載道西南阡。曹騰破睡安定夜，曠蕩流眄清川榭。西門納清了經由。

下榻來稅新安舍淹留為日已半旬禮駕置醴情宴真內相祭酒是勝侶
飲醇襲薰推席珍斫案揮塵兩未了銀缸烺烺鷄戒曉東山羅艷北海樽
舞衫回雪歌樛繞不醉無歸夜厭厭僕隸亦蒙餘瀝霑歡極悲生燭滅時
落月故故窺前簷搏沙聚散不可玩逢場不樂徒悲歎相期矢心保歲寒
有渝此言如既盟

戲做六言五絕錄奉求正

留滯新安幾日缺月已復生明敲冰自難解渴嗽蔗無由折醒
遙遙萬里京國隱隱千家塞城俠窟探凡似漢歲功積粟如京
病客今維摩詰佳人舊董嬌嬈行雲不下高岫亂鷄空殺殘宵
微雪疎烟落日小春殘臘徂年思家幾回腸曲戀闕空勞眼穿
君詩空雲多態我句澁字難吹搗桂覺有餘辣飲醇真復醺肌

新安步月歌

憶昨嚴程乘急傳星馳四日來箕甸主人排燕勞苦辛燭再見跋忘疲倦
信宿方丁桂輪滿白毫亘空込彩散夜深步屨快哉亭滿城歌哭誰管絃
霜寒入骨不耐久徑從厨官呼美酒對景引滿不計巡愁陣頗開何用籌
川塗浩浩隔千里角枕蓬首香闥裡堂前拜月祝璇宮早使征人返行李
而今留滯新安舍洞房索漠徂清夜又逢盈魄耀六花冰壺天地迷上下
青藜播病眊白恰不許俗物來相狎星韜河隱屏纖氛綃幕澹澹金餅押
平分榮悴與恩怨均照通幽復近遠了知隨遇異悲歡豈以團辭掣千萬
謾傳竊藥耐孤姥未信斫桂費神斧欲將盈缺問虛皇仙橋無路朝眞府
喚起安分共諧賞正擁溫柔春意盡敢嘲經笥腹便便只是趣味非我黨
悄然興索臥虛幌任教光景終宵調殘燈明滅難嚙呷旅睫如魚歌慨慷
酒闌不寐以酒渴愛江清為韻用寓戒酒之意錄奉希正
淳于能一石汝陽消三斗麴蘖有何好古人忘濡首予量苦無多可是天

戒酒全儀不及亂座右銘固有

浩浩覺神王嗚嗚從耳熱投轄固已奇閑閣還被制手百拜斯中禮旅酬恐
乖鄧云何背德將叩水澆醉渴

詩本陶性靈引酒以相配曠士喻詩鉤愛之欲無對予非知詩者又不杯
酌耐不如戒留物等之則割愛

將命徒熱內無才能貢邦旅食歲云暮愁陣殊未降官厨日給足臘味粗
浮缸忘憂豈在多不必變春江

昔在田間飲提携雜濁清人情予所惜痛飲連甌傾爾從大夫後復觴虞
狂醒沉湎在胥警三爵宜為程

叙悶錢奉安分

郊墟埋積雪栗冽助寒威熾炭頻添火重裘累索衣月臨簾影薄吟闕燭
花稀共趁陽和返無勞賦式微

承 綸來萬里咫尺通 天威歲月雙駟轂風塵一弊衣彩毫才告退霜
髮鑷怱稀竊食終何補酬 恩愧力微

疊威字韻

重到相知少依然似全威自憐消髀肉誰與蓋征衣髮向菱花改書從鴈
塞稀幾時燈報喜金索緩來微
跼蹐恒虞陷低垂憂怯威餘生輪鈞手宿債在荷衣暗壁驚文淺晨星憚
舊稀消塵終底補海嶽不辭微

復疊前韻

妍暖初回律凝嚴稍欽威雲填勻壓物雲縱不成衣的的燈花落迢迢漏
點稀遙憐閨裡夢無路向金微
震索端星漢驚書暢德威恩藩國篚優秩使臣衣遼薊川塗迥封疆候
報稀祝危元不代何用厠臣微

不寐

尊尊徂年此赴壑
茫茫往事劍求舟
憑郎不惠魚食謝
守空添對鏡愁
庭雪斜分溪月色
牆烏直過嶺雲頭
含情恰破還家夢
官燭燒殘一寸留

譙門晚望

敝盡裘茸饒暮年
勤勞誰賦大夫賢
塞天鴈斷孤雲外
江柳鴉歸落照邊
篋有殘書尋舊業
囊無大藥任華顛
眼花錯莫心仍折
回首荒山掩暝烟

詠雪

晨光挾冷送遙天
風絮飛簷亂撲椽
樹擁瓊花疑作幻
人騎白鳳訝登仙
三休街裏車翻帶
九級墀前日射烟
獻頌非才曾選賀
賜尊空想灑香

永

用唐太史太平館醉起口占韻錄奉安分

空齋暹朱蕙松行復逗翠魚旬玩
喝多嘯詠雜醒醉

水筍作雨融白纒懸簷下多少較羈愁萬斛瀉長夜
殘臘忽無多折我趨歲歸華茵藉賓榻何似卧牛衣
荒嶠枕海堧夕烽明毀壁一夕道長安幾警羈留客
斗柄每瞻北月彎頻虧西連宵作歸夢關角聞朝鷄
連曙警危魂營營不能宿神兒想牢睡煖老恒出燭

遣悶

萬里辭家抵五旬只慙傳食久妨人夢回風雨聞蕭瑟歲暮襟懷倍苦辛
半世光陰供轉徙百年榮落付陶鈞平生枉許西涼簿白羽麾兵捷若神
夜讀皇華集偶書

皇明立極軼三代文教旁敷靡不逮馬班文章列省臺孔孟絃誦溢闕闡
青丘有國限衣帶視均內服元不外慶錫便蕃簡使臣才行卓卓皆時最
倪公博雅富聞望鑑賞頻優多搜訪雪霽有賦詩離騷奮筆摘詞劇溟漲

內翰名高實異產辭理安熟無可揀太常放逸不可當縱橫無素銀鉤
黃門多可格力短翩翩自喜終不滿靖之俊爽真天人鷄群野鶴如中散
模範唐音妙換骨風雨嬰毫天趣發金張掄是鐵中錚三絕才兼頻自伐
祁仙才調信天得風韻自高不假飾千篇瞻速倚馬成傍觀嘆駭推不測
尚論諸賢集厥成喧呶百鳥孤鳳鳴迥脫畦逕薰尚矩獨占波瀾王漢英
貞珉有載照不朽至今傳玩如瓊玖南峯高雅頰占怪一斑已見才八斗
桂玉名標唐太史屬恩流動如翻水連城環繭只自珍豈肯晞價咸陽市
東韓作者亦不乏才力相高不受壓差毫於國計重輕償接必須詳望決
時人何知忝下价有事候間來封畧傳食無營數月餘華集隨行備討話
蠡管安能測海深發笑憂中資掌撫張軍辦敵自有人燕坐晴窓香一炷
用東坡常州除夜韻二首

寸腸容得兩年悲除却燈花伴客微一線背留今夜玩大力仍折獻春歸

擬飲喧馬嘶寒火林有棲鴉任炬稀小酌闌殘還打睡冷衾虛幌轉誰依
頻年歲律客中佳舍把餘生付半塗北斗已負璇杵柄神茶又換漢宮符
醉深舊誤輕騎暗傷虎新除更持鬚却老有方君得採羨他燕玉頻凝酥
追叙兩日之歡錄奉時翁內相

此日足可惜元朝燕笑時舞回翻蝶翅歌緩貫珠絲北海供尊酒南山獻
壽詩婆娑聊永夕誰復念分離

殘雪松江近孤烟野店遙登臨真自調懷抱若為消恩詔行頒慶天仙
未渡遙只應憑茅妹魂去正難招

竹爆綠驚鬼盤傳為頌椒佳辰今鼎至老抱可能聊世事曾三折憂心豈
一朝絲毫都告退何以答星軺

忽忽催更箭寥寥斷屢聲客心驚遽別閨夢念選征散質寧逢賞勝形恨
受成乘舟非寵鶴何用詫光榮

斗柄懸端極韶華忽滿城午慵嬰睡味朝霽放詩情
霽霽陽浮地津津木向榮少時輕鄧序我老畏新正

奉酬惠韻

元送袖裏閃青蛇老去天邊慣作來愁極枯腸澆竹葉
蟬殘衰髮怯菱花年華有信來遲次世事無窮入嘆嗟
了却勾當歸始決不應官馬責難賒

復疊前韻

霜透重衾却睡蛇五更殘夢護回家宦情到老培
愁緒詩律逢春動筆端萬事作魔難解祟一生營食盡來嗟
驚胎十駕終連驥莫道扶搖北海賒

復疊前韻二首

明珠却似報恩蛇折得歸心不念家瘦骨成稜妨
帖席病眸欺燭爛生花負山豈不知崇重書帷何須費咄嗟
回首龍灣情思思可堪雲樹望中餘復疊詩章字體蛇
強寬衰病共離家短緣護結街頭柳遠別行歌陌上花

晚記新知何足樂老侵前歲只成嗟清愁半夜無從話咫尺懷人萬里賒
復疊前韻

誰將蓬髮鬪龜蛇直把三清作一家鴻寶竟翻丹鼎寶蓬丘幾落碧桃花
浮生苒苒那堪玩短世茫茫只足嗟豈敢便懷來倒景抽身安得市朝賒
新安守歲醉後用初醉中臨津韻錄呈諸公

新安節裏歲華新忽驚時序同魚鱗官衙發醅棹航船四座慙是人中仙
列炬燐煌林鴉驚鐵歌宛轉瑤筵接鄰音縱隔關山邈各擁使輶非流落
號呶已任發建初更有酒味能揄予人生憂患萃殘年要須一洗來曛然
金丹不掃髮雪白欲脫塵嬰那易得虛名箕斗愧三何強顏供世如等閒
君恩汪濊覃自北共罄華祝輸宸極

到雲興東時翁內相

契有三生宿情非一日親賓建濡首教夜話報雞頻時稔君號望歛山我

愧人別來兒女感時復一酸辛

雲興早發

曉枕眠頻警呼燈打早行晨光猶未辨山鳥已多聲
潮雪隨陰積林霏逐曉輕不應煩問路行李慣趕程

林畔道中

郊原泥滑滑竄馬怯隄隕燒犯高林過暄偷翳草回鄉
心生去鴈春興動登臺無力酬恩命沉吟意不裁

龍灣日錄

奉別蘇尚書來途紀夜有懷錄華命仲仲初

塞天雲盡月如鑪已倦宵行別恨無釋重有辭君自得負山無力我何厭
邊沙擊面驚風峭臘雪封郊勒草尖珠玉豈宜糠粃後夜來心緒轉難恬
韻強強疊前韻發笑

四窗匡劔報腰銚把玩還驚三絕無什聽是音人悄悄更謀懽飲夜厭厭
青田連日多添刻雪盡群山幾露尖却笑江郎才告躋製毫空負老蒙恬
用前韻如香奩奉調安分

笑刀真似發劖鏢茅價南金合讓無秀色可餐餒亦果嬌鷹在寤聽難厭
櫻唇接曲猶含雪羅袖拈毬未出火惱却儒仙多少恨須江春漲綠波恬
人日書事錄奉伯益明仲仲初

新正淡七氣舒遲風緒微微欲弄絲官額效粧梅婢約鑲花裁勝錦離披
詩成常待通情友書出東方巧占時誰憫天邊經歲客老逢佳節只成悲
履疊前韻

迢迢鍾漏夜眠遲幾閑來詩嘆色絲三折臂存心尚小百家書在手忙披
新天羅宿皆推斗半額蛾眉豈八時老退無由酬逸韻空勞口吻作吟悲
義順辭演享儀有感錄奉安分明仲仲初

前度重尋寸戟中依然老鶴返遼東兒童頃頃非初面城郭慨張信舊功
奔走木冠間揖讓參差蓮豆極珍豐尺慚儂價慙儀鄧腰脚踈頑似野翁
復疊前韻錄奉同事諸公

任重偏知百不中乘得汗漫眩西東觀瞻雅之威儀則潤色全無輪墨功
謬寄敢忘臨事懷殷憂空切願年畫紙今能賦掄才地寧少滄浪一充
翁

復疊前韻呈安分

流光已復逼暮中日下何時雨甘東言卷未蕭尋古路酒杯還策破愁功
邊關久撤烽傳警民倉猶艱歲告豐留滯重貽厨傳溷邇來水炭劇衰翁
復用前韻示仲初

考校承 綸黼座中寒宵分榻殿西東披沙我乏淘金手提石君多剖玉
功 賜燭却嫌朱墨亂太官空費膳羞豐祗今乳媪參笑似每接春風起

病翁

鼓懷錄奉彥諡

跪奉

天書

聖諭

新才難獨任最

知臣威儀朴魯寧字見詞學空疎

欠動人二老張軍聲轉壯群情協卜勢方均但供尊俎無愆數潤色還須

哲匠親

曉起有作錄奉同事

夢裏還家不當歸燈前姊妹謾相依寒鍾幾杵搖危堦冷被多稜攪弊衣
貴國之才蚊負重周臣無智蟲官微解言邊日光輝少曉霧連朝作晚霏

追用昨日二章韻

萬里羈棲受歲新朔雲邊月惴孤臣蛇腹枉費愁中景蒲柳難饒鏡裡人
憂患橫來思理遣是非紛進任天均夜闌客去仍無寐黃卷青燈轉可親
漠漠荒郊鳥倦歸愁來旅望更依依蠹書且檢經年篋故絮猶披御臘衣

吟苦筆尖衝凍退寒多酒力上樓微春慳晴日頻宵雪拂曙輕陰轉作霏
謾步前韻擬上元感事錄奉同事二首

節序崢嶸病裏新端門侍宴憶微臣放教火樹爭呈巧通勅金吾弛禁人
化國朋游情共適衢尊群飲澤還均暗塵明月追佳詠索漠篝燈點自親
和氣濃薰禁裡歸絲棚油幕巧相依蒨街華燭趨馳道一朵紅雲擁袞衣
不禁雞鳴先曉誤寧教鶴焰徹朝微空煩載筆難摹勝付與傳談鉅屑霏
夜來夢事頗恠復步前日二韻

黃封霞液拜嘉新文石前頭罄主臣仙仗朝回間虎士銅壺漏下罷雞人
風縹苑柳絲初譚雪勒宮梅臉未均欲奏歸田空袖草乞身何日白鷗親
半世偷倉誤賦歸自慚螢耀日光依恩頌御燭驚殊錫詩奪宮袍換舊衣
不分柑香歸遺遠多情燈燼向人微遽然知是前宵夢注目寒山鎖夕霏

上元晚眺

只宜清快不宜陰斜日分明媚遠岑樓堞露高着隱隱樹林生色便森森
仙臺浸月虛良夜寶馬穿燈退賞心此夕他年知幾換直須頑健每如今
復疊前韻懷舊

遲日初生殿閣陰綺疏分綠附城岑蓬壺自斷塵埃到門闕非閑羽衛森
萬卷蟠胸摘彩筆百函供詔稱宸心昔年氣象曾干罷回首仙凡隔古今

夜夢 詔使歷境

非閑歸息几回腸手脚云何自忙忙負似蚊山慙力弱才如機線欠條長
雅聞翰墨皆臻妙復道聲名衆挹香不有知津煩鉢路病夫爭得解迷方
不曾刺刺任剗腸遼海修程肯作忙氣節風霜親覺凜文章河漢望彌長
揮毫燭下裁仙詔珥筆螭頭帶異香獬廌共知方瑞世豈期榮觀聳殊方
登聚勝亭晚望

孤亭出天半，島背俯平原。雪巘重圍野，冰河迥抹坤。蒼茫流遠眎，競疊攝危魂。自謂非真慰，篝燈翳閣昏。

高高復下下，萬象可逢原。竊討五千卷，忘言六四坤。新春虧月魄，微暖返花魂。急急戒魚鑰，重城煙霧昏。

復疊前韻

重闕傳警圻，遠燒烓高原。莽莽難分境，冥冥未闢坤。鄉心生滯悶，愁緒惱殘魂。坐久流清月，簾帷忽破昏。

非鬼亦非物，有聲遙莫原。妖山宜彈射，吁有任乾坤。乘此積憂夜，頻驚老魂。未能恬逆境，誰解我心昏。

世事踈慵甚，何人肯見原。暖風將發物，生意正資坤。局促傷詩膽，膏肓任神魂。差賢聲利縛，車馬走塵昏。

義順館用吳體錄奉明仲仲初

匡坐西廂不覺淹試鉤簾幙豁層檐春水欲破水聲壯臘雪半銷山黛尖
野性豈堪頻折慢禮筵聊擬盡輸謙日斜更醉使君酒已報譙樓傳漏籤
松岡奉迓迎慰之行

來時積雪壓陵坡今為逢迎得再過松韻淒清山作籟春風料峭幙生波
秋蓬豪竹初從聒倚酒衰顏亦任酡昏黑不應原陸慎火城如畫擁鳴珂
詠風戲奉安分

初從林薄起蓬蓬巨象脣山勢轉雄自是天機生物急枉教衰病恨終風
睡起書事謾錄奉明仲仲初

昏昏嬰睡惱惻惻被寒侵幃幔從軒歎圖書罷索尋雪殘餘臘白嵐重覺
春陰咫尺遠清覲詩篇待賞音

復疊前韻

始訝衰來逼那知老見侵放慵供嘯詠違性厭叅尋暖釋金溪凍寒沉半

雲陰無人來問疾清坐送足音

歡緒愁難續菁華病易侵濁清杯面怯賢聖卷中尋城暝傳高角樓虛納
晚陰通來心轉拙無處伴鄉音

演儀而還有懷錄示同事二首

形骸放浪久為漁類習華儀轉覺疎禮數在人宜自亂文章於道亦知餘
明心不早緣多謗見事常遲坐信書來往未間尊俎節只煩徒卒擁輶車
顛風竟夕漲埃氛亂入賓筵眼未分強半春光臨塞淺毋多酒力到衰醺
厭厭卜夜誰當倦日日謀懽我最勤此地逢迎真不偶他年離合豈堪云

卽事錄奉諸君

午慵挑作睡昏昏手罷攤書強出門柳借風光工婀娜鳥逢晴景亂啾喧
黃麻演誥叅鸞掖白羽麾兵壓塞垣謀事已難酬老壯此生何以答君

恩

龍灣見景文留題意若惜別者追次其韻二絕

見說佳人號杜秋，舊緣重合玉搔頭。
眼中牽恨無非物，只許江波管別愁。
才調離倫鬢未秋，銷魂擣藻彩毫頭。
碧紗籠得當時恨，最惱春山蹙作愁。

復疊前韻

屢把光華刮眼昏，詞林徑路獨知門。
迷邦有寶探珠海，傾國無人倚市喧。
暖挾柳黃歸浙水，雨扶苔暈上頽垣。
萍蓬聚首彌旬月，觴咏須知盡聖恩。

復疊前韻

久知良貴在陶漁，欲假天真愧我疎。
爾雅文章回漢代，清新句律薄唐餘。
眼高已信成奇士，談勝還驚得異書。
散質豈煩思郢劉，多方今有惠施車。

復疊前韻

殘生只合老耕漁，強綰金章與世踈。
潤色非才關國體，波瀾相及寔君餘。

久訝天機歛今朝頓暖妍
玄流生谷口殘雪露山顛
落蕾花將綻嬌痴柳
乍眠風光相惱劇隨處一潸然

用示魚生韻錄奉安分

逃酒微黃令調詞教李妍
不堪俱豁盡相對各華顛
燒燭論奇字拋書泥
困眠他時談在筥應復共惓然

戲疊昨韻復奉安分

頻得嬌兒報容華頓減妍
不知夫婿老情興亦難顛
無藥治心病多憂攪
夜眠幾時更秉燭喜極却悽然

疊元韻答魚生用扇對格

忽得潛夫句天葩鬪巧妍
還慚老子語風絮亂狂顛
披閱毛生紙驚呼醉
失眠但能攻苦思格力即超然

戲用吳體紀夢謾錄博笑

春睡渾如曉粥濃不知鏜鏜撼洪鍾神游粉社復千里夢接威顏溪九
重簷日未高喧鳥早野風無力暖絲慵只應猶戰飲水熱頰累醫官茶椀
供

曉起有懷錄奉寓庵求正

卧到殘燈欲滅初僮聲和籌動庭除無眠未覺春宵短多難元知世味疎
豈是文章需潤色只饒蹤跡返樵漁詩成每叩同心調浪擬飛黃顧隊魚

演禮行

歲舍沿灘月丁蜡皇家有慶肆恩赦鸞書簡使星彩揚急傳報喜來
東夏儼候諸臣受嚴命奔軼風埃西路復鄙人亦蒞餘論間才乏已試
閒辭全避賢不獲辱朝旨觸藩維谷終何底強顏來遙英俊行珠玉在
後先糠粃龍灣就館只却掃駭鹿狂顧迷豐草譯官有以演禮言僇勉夙
駕驅旌纛城西候館雄位置昔年陳跡今改視傘仗森嚴擁詔亭殿以

使輶俱有次徒卒如雲茹角殷守土群官迎導近道旁磬折戒吾僚旋就
庭心奔駿謹臚聲忽旺稽顙拜黃案香升烟縷絳私覲終修班退餘進
退率禮寧可憚茶甌巡罷享具進訂脰豆籩花綠襯流暉供賓罄獻酬儀
節頻繁曾見僅中綏一二愆八九雖諉未慣心實忸歸途昏黑擁火城了
無可則居客右搜尋舊儀頻增損省念未曾忘一飯如痺獲起瞽借觀旬
朔徒勞三四返仙槎泊遼月再敷苛戒壘堂寧不謬經時旅食抱苦辛腰
脚踈頑還似舊今朝出城值晴亮鴨水春波正新漲麴塵嫩絲裊垂楊茂
陵脩眉掃遙嶂平生折慢性所枉樽俎卒度邯鄲想他年在莒要不忘試
記毫言規我黨

偶書

噪禽無數下烟林簾捲春晴院落深舊事到心空惻惻宿醒侵午轉潏潏
從違已了齊三四枉直何須辨尺尋躍冶可辭為物使只愁人笑不样金

奉簡遊龍淵諸君子

聞道龍淵好接藍漲綠壽鐵牛歸牡鑰文鷁進春篙
亂沫沙崩甯輕風柳
彈條明朝高會續應復試宮袍

謝致慶鮮

榜舡融雪敗冰餘潑沫霏霏欲濕裾雲影縱橫潭底亂
桴音宛轉葦間徐
割鮮已遣山中吏斫膾仍分丙穴魚
既飲高耽還壓酒醉來天地卽蘧廬
海龍淵復疊前韻

賞心扶起宿醒餘鼉背剛風泛客裾海日吐吞晴靄合
塞天荒遠暮流徐
截肪豈假屠門嚼得雋真供水伯魚領畧雄觀胸磊塊
終然牢落憶吾廬
龍淵紀興錄奉同游諸公

抱州城西一牛鳴新峯壁立臨江清松蓋扶疎偃祠屋
芬苾所降流佳名
俯瞰泓澄不可唾疑有神物涵淹生鐵牛詭跡已沉滅
沙水練練山根縈

吾儕好事夙懷賞欲往屢乖旬朔并清晨結束戒賓僚詰曲磧壘傍邊行
銷愁江色動馬前雉堞跨山高嵒巖岡頭雲幙似喚客候吏銖路來班荆
登臨恍出天地外眼底培塿皆剗平胡山糾紛遼水縈指點未究空商評
春陰淡漫不放日頻妨遊目如遮翥飛廉戢威鏡面安小舫撒網驚鰲鳴
玉核金鯽競效獻巨供燔炙細燭羹虞人屢致周南麇白茅包束血被睛
割啗誰能數脾臆煖酒壓生催飛觥決拾耦進百里宰長身健臂能穿正
四座頻訝諫疏手觀德共推君子爭翩翩秉矢不虛發老將不敢鋒鋌櫻
邊城風氣尚強勁童稚驕騎隨邏偵何況當壚盡趨捷盍使跑馬奇技呈
江頭宿燕燒痕遍兀兀據局無堅吭相將盤馬候號頭道如枉矢空中橫
健兒力竭返殿後觀者愕眙心盡傾虞庠學士最虎傷嘆賞難枚應僕更
歸途忽忽赴高舂方舟別浦工邀迎汭流盪漿歌鼓噪秋橘透雲頻弱明
居人奔波溢闔閭雜以候火光穿城向來京國謀宴集書札徒勤終不成

那知絕域具二難衣冠郁郁皆豪英休嫌
詔使尚濡滯得使吾輩窮
惜閑罨抵舍更漏作尚轉餘睡眠不驚羅穿未暇剛語燕狂向群玉煩
磨

効諱子苦吟

龍虎二月半氣象如高秋顛風振原野頃洞驚塵浮頑雲埋日車慘慘天
色愁病夫亦不怕闔戶圍重幃陰寒歎逼骨故絮溫難偷大哉賊四序運
流竟停留玄冥勒香令惜刻窮邊頭勾萌為不齒消液為不流紛敷為之
索舒縱為之收枝僵綴穆韜鳥喙群聝休鍾搖聲故壘角吟聽似函缸膏
挑不燭食鑊攬不周低垂波舞袖顫咽停歌喉朱絃按指直玉笙調唇羞
多端異所遇小見迷其由憂傷敗我意踰躐愆我謀逆境要安排理窟煩
冥搜大事既自了小故安足尤暫是寒非天暴恒煥非物求平停互相濟大
化寧盾矛明朝載飛鷹暖日晴絲游既衰就故樞御袂登高樓不虞鬱氣

癸但喜天機修高詠苦寒詩擬和同聲謳

悼堂兄受益

裙履情孚到白頭暮年心事要相謀豈知光景遐年靳遽使存亡半路休
有女中郎差足慰無兒伯道更誰尤只應所過多遺愛聲實還須載筆求
曉卧有懷錄奉安分

辭言一日九回腸熟脾殘宵更苦長歎具老形酸臂膝已微春事懶風光
向來蠲熱敲冰救此去看場救火忙同病同憂誰轉功不消辜賞闌年芳
戲叙旅懷錄奉安分

言我初行雪滿坡抵今紅糝綴桃柯遠來感物緣時憂老去驚心為別多
萬里歸裝淹驛路一春芳芷長江沱清愁惻惻欺寒峭徒倚黃昏怯越羅
復疊前韻

他隨芳草亂抽坡跡任仙槎已爛柯清賞且拚北裏少壯心還覺醉中多

烟花幾日驚春晚行館何時聽雨泥夢破知君偏懊惱枕邊疑有舊香羅
有懷錄奉安分寓菴求正

無奈東風拂曉顛病夫驚起失酣眠天機滾滾趨功急春序堂堂背我偏
暖作塘泥爭汨滴雨慳陂麥未芊絲同來謾擬同歸去回首關山一悵然
寒食書懷

清明佳節暮春前向晚輕寒透薄繡寒色無村炊禁火卽山有鬼紙飛錢
柔桑翳霧鳩鳴遠高柳縹風絮度顛出近驚書成滯悶松楸回首意茫然

復疊前韻

含情獨立暮江前一帶危波望吹絲隔岸攢青峯似梨繞汀鋪錦石如錢
春心飛動長歸國塞雪飄蕭易滿顛讀罷高詞增懊惱不堪催騎赴蒼然
宿車輦館有感示同行諸官通和

伴送
回還

愁緒撩懷若不裁夢回紅蠟淚成堆豈堪花月縱橫夜更聽松濤瑟縮來

琴為人歸絃欲絕道因閑松鑰難開孰知轉休以頭惱山雨和風看曉催

登百祥樓

作意天仙續舊游共來匡坐歷進頭簷牙賀燕斜穿幕渡口喧鷗亂掠舟
江水釀寒來暝峭野風將雨閣烟流明朝珂馬還塵土高會應從夢裡求
納清亭有懷龔吳兩使用雲岡韻

佳句翩翩出狀頭納清亭子擅清幽掃眉山障朝吟席學字江流入望洲
座上春風逢勝侶胸中秋月接天游雪泥鴻跡音塵隔回首遼陽我思悠
用雲岡簇錦溪韻

江樹依微向午陰蘭橈寵餞繫清潯草河浩渺應從古華扁輝煌却顯今
翠浪搖晴分麥隴青瑤臺鏡倒烟岑仙游一秘餘音在綠綺高高趣自深
曉登浮碧樓縱觀烟雲變態奇勝倍前謾題六絕

九榜宮廢但荒丘帝子風流屬畫樓我愧江山題品手千年物色謾分留

沙回遶崖水回洲江近樓居氣變秋坐久飄飄風滿眼令人五月念貂裘
酒岩飲水龍頭峙羅帟當江燕尾分增飾名區更歌齊畫舫蕭鼓壓江雲
霧疑湖波動霽光岸羅濃淡靚明粧攝身嘯傲蒼崖上不覺乘風汗漫鄉
曾接仙游挹上真巴渝還愧續陽春重來試討冥鴻跡玉唾銀鈎兩絕倫
人非火食方知稍句挾金聲始道工骨格苦頑才又盡江山應笑一衰翁
上山洞府巔壁奇峭又有澄潭懸瀑之勝聊作五絕錄奉仲初兼示
地主蘆彥卿五絕

西來一路撚襟荆魚處山川稱賞情不是汝南頻向說騷人那解此間行
黃牧許公
屢說此勝

層巒疊嶂穆糕重石礙多生不長松應接都忘輟策杖半山斜日下前峯
白雲橫度石門屏鬼斧修成砌壁青喚取官奴三弄去共將奇事答山靈

時有松壤
笛工徒行

劉磴開途巧補傾當豁崩石更縱橫幽泉不覺從虛北幾曲跳珠潑客旌
霧帳雲局藏秘久半生懷賞始窮探輪蹄如織何曾過留與吾詩爲指南
用唐太史慈秀巖二律韵題平山新亭

妙割餘鋒獨出奇華亭善頌屬傳庖俯有芝旗危巖頂坐撫千章老樹枝
增重正須煩作記托名何用強題詩知君意匠超人表勉爲雲岡好勒碑
攢青拖白一龕中競效奇觀我輩同層漢高攀如御氣積蘇臨睨正憑空
追尋滁守寓真樂不數於潛名野翁風雨喚人歸路阻翩翩馬首只思東
戲詠海棠奉呈安分寓庵博笑

高低亭觀錯西東不老春光花塢中獨有紫絲誇富艷仙葩却鬪妓裾紅
次雲岡快哉亭韻

俯瞰魚鱗萬屋頭層霄嘯傲擬天游陶雲掩苒橫拖岫謝練微茫曲抱丘
倚直媚晴鋪鏡面槐陰分綠入簾鉤亭顏得快遮樓堞不放吟眸眺遠洲

奉詠希聖使君玉留

攻得崑岡六瑄開柯亭嶰谷是奴材曲傳法部龍吟水聲度湖山曉落梅
朱箔月斜初破夢綠陰春去獨登臺丁寧莫向江城弄觸撥離懷恨不裁
戲書龍灣錄後通示一起同事諸人

接近星軺動十旬疲奔空復困封人遼城祖帳疑非的東站行旌認未真
謾有詩篇成卷軸都忘歲月訖冬春他時斗酒相謀會把玩應先話苦辛

奉

酬申駱峯示韵

乙巳春駱峯允備接張承惠余亦備遠送冊封

賜祭勅使張太監郭璇行人

監同寓龍灣

德星今日聚龍灣對壘疲鋒血染殷却使老人驚退舍茶鐺書卷伴身閒
松江卽是南畿地皮陸文章世有人正要東來成一集莫辭椒桂搗殘辛

張行人松江人

筆端常幹千鈞重倚馬詩成思不群脫橐邇來皆警策祗緣精力未曾分

和公前日宣慰華薛也助酬饋使
和答適逢所盼云刀分未暇

高駢院裡鈎簾見白傳篇中帶刺看開謝見為詩歷倒明年春色恐尋難

咏舊

保閑事業餘文藻遼海編中見許高今見後孫還饋接華人驚歎鳳生毛

湖陰先生文集卷之二



